

四庫全書

史部

欽定四庫全書

史部  
通鑑續編卷二

詳校官庶吉士<sub>臣</sub>何道沖

編修<sub>臣</sub>裴謙履勘

總校官知縣<sub>臣</sub>楊懋珩

校對官中書<sub>臣</sub>孫球

謄錄監生<sub>臣</sub>張永浙

御製書通鑑續編宋主答徐鉉事

藝祖志一統命師伐江南卑辭徐鉉來稱如事父嚴父子而兩家不可何待占緩師復遣求論辯徒磨磨榻側難容睡按劍叱何慙嫚罵如沛公創業多直談更能用曹彬禁暴恢海涵一時王業定太平引養恬時泰作廣義吹求致苛纖謂徐鉉辱君諛頌失太謙更為設若詞包茅問貢拈濶論名有無詭辯逞占誦有如愛二毛宋師無救殲辭費申臆見史義何曾探昌黎有定評責人

詳已庶

命皇子及軍機大臣訂正通鑑綱目續編諭

朕披閱

御批通鑑綱目續編內周禮發明張時泰廣義於遼金  
元事多有議論偏謬及肆行詆毀者通鑑一書關係前  
代治亂興衰之迹至綱目祖述麟經筆削惟嚴為萬世  
公道所在不可涉偏私試問孔子春秋內有一語如發  
明廣義之肆口嫚罵所云乎向命儒臣編纂通鑑輯覽  
其中書法體例有關大一統之義者均經朕親加訂正

頒示天下如內中國而外夷狄此作史之常例顧以中國之人載中國之事若司馬光朱子義例森嚴亦不過欲辨明正統未有肆行嫚罵者朕於通鑑輯覽內存弘光年號且將唐王桂王事蹟附錄於後又諭存楊維禎正統辨使天下後世曉然於春秋之義寔為大公至正無一毫偏倚之見至於東夷西戎南蠻北狄因地而名與江南河北山左關右可異孟子云舜為東夷之人文王為西夷之人此無可諱亦不必諱但以中外過為軒

輕逞其一偏之見妄肆譏訕無論桀犬之吠固屬無當  
即區別統系昭示來許亦並不在乎此也況前史載南  
北朝相稱互行詆毀此皆當日各為其主或故為此訕  
笑之詞至史筆係千秋定論豈可騁私臆而廢公道乎  
夫歷代興亡前鑒不遠人主之道惟在敬

天勤民兢業業以綿億萬載之丕基所謂天難諶命  
靡常常厥德保厥位誠不在乎區區口舌爭之若主中國  
而不能守如宋徽欽之稱臣稱姪於金以致陵夷南渡

不久宗社為墟即使史官記載曲為掩飾亦何補耶所  
有通鑑綱目續編一書其遼金元三朝人名地名本應  
按照新定正史一體更正至發明廣義內三朝時事不  
可更易外其議論詆毀之處著交諸皇子及軍機大臣  
量為刪潤以符孔子春秋體例仍令粘簽進呈候朕閱  
定並將此諭冠之編首交武英殿照改本更正後發交  
直省督撫各一部令各照本抽改將此通諭中外知之  
特諭



欽定四庫全書

史部二

通鑑續編

編年類

提要

臣等謹案通鑑續編二十四卷元陳桎撰桎字子經奉化人流寓長洲官至翰林學士桎祖著宋時以秘書少監知台州嘗作書名厯代紀統其父沁為校官又續有撰述世傳史學桎以司馬氏通鑑朱子綱目並終於五代

其周威烈王以上雖有金履祥前編而亦斷  
自陶唐因著此書首述盤古至高辛氏以補  
金氏所未備為第一卷次撫契丹在唐及五  
代時事以志其得國之故為第二卷其二十  
二卷皆宋事始自太祖終於二王以繼通鑑  
之後故以續編為名然大書分注全仿綱目  
之例當名之曰續綱目仍襲通鑑之名非其  
實也沈周客座新聞載程著此書時書宋太

祖云匡胤自立而還未輟筆忽迅雷擊其案  
桎端坐不懼曰霆雖擊吾手終不為之改易  
也云云此雖小說附會之談亦足見桎以褒  
貶自任後人乃造作此說也今觀其義例於  
宋自太平興國四年平北漢後始為大書繫  
統鄭瑗并觀頊言稱其本晦翁語錄持論已  
偏至於金承麟稱末帝立僅一日未成為君  
乃為之紀年西遼自德宗以下諸主但傳年

號並無事蹟可紀亦一一詳為分注亦不免  
循名失實明史何喬新傳載喬新年十一時  
侍父京邸修撰周旋過之喬新方讀通鑑續  
編旋問書法何如對曰呂文煥降元不書叛  
張世傑溺海不書死節曹彬包拯之卒不書  
其官而紀義軒多採怪妄似未有當云云亦  
未始不中其失也他如取宋太祖燭影斧聲  
之訛載文天祥黃冠故鄉之語漫無考正輕

信傳聞陳耀文學林就正又謂桎誤以范仲淹赴桐廬郡至淮遇風詩為唐介作併改詩中強楚為狂楚畫室為今日蛟龍為魚龍則引據未免疎舛黃溥簡籍遺聞又謂桎紀其先戶部尚書顯吏部尚書仲工部尚書德剛諸事為宋史所不載成化間續綱目者亦皆削去疑其或出于妄托則挾私濫載尤不協至公然自通鑑綱目以後繼而作者實始于

經其後王宗汶薛應旂等雖遞有增修而才  
識卒亦無以相勝姑存以備參考亦未為不  
可乾隆四十六年十月恭校上

總纂官臣紀昀 臣陸錫熊 臣孫士毅

總校官 臣陸費墀

通鑑續編書例

大書以便覽非竊有褒貶詳註以載事無變乎舊文  
國之興亡世之治亂帝王將相言政之得失后妃  
世子立廢之原本輔臣用舍賢士出處土地分并  
制度因革災祥之驗於事者疏議之行於時者則  
書不然則否

盤古至高辛以世紀遠不可得詳也

契丹安巴堅事備于唐宋太祖事備于周志其得國

之故也

契丹建國而繫于梁唐晉漢周尊華夏也

宋建隆至太平興國三年係于甲子志其無異五代也

宋太平興國四年以後繫之統志其同於漢唐也  
遼年繫于宋統之下尊無二上也其帝稱主外之也  
夏稱帝則書與遼同皆外之也

遼年志夏改元乃書大小之別也



金承遼故例同也

宋渡江而猶繫之統同于東晉也

元滅金夏有中國而反繫於宋明天命之未絕也

帝王國鎮必志其地備事也

[illegible]

欽定四庫全書

通鑑續編卷一

元陳桎撰

盤古氏

太極生兩儀兩儀生四象四象變化而庶類繁矣相傳肯出御世者曰盤古氏又曰渾敦氏盤

古猶磐固也渾敦未昭晰之謂也皇王大紀曰盤古生於大荒莫知其始明天地之道達陰陽之變為三才首

君於是混茫開矣

天皇氏

一姓十三人繼盤古氏以治是曰天靈澹泊無爲而俗自化始制千文之名以定歲之所在十

午曰闕達旃蒙柔兆疆圉著雍屠維上章重光玄默昭陽十二支曰困敦赤奮若攝提格單閼執徐大荒落敦

鼎協洽渚灘作  
鼎闕茂大淵獻

地皇氏

一姓十一人繼天皇氏以治爰定  
三辰是分晝夜以三十日為一月

人皇氏

一姓九人繼地皇氏以治是曰泰皇相殿山川  
分為九區人居一方故又曰居方氏當是時也

萬物羣生淳風沕穆主不虛王臣不虛貴政教  
君臣所自起飲食男女所自始亦號九皇氏

附十紀說

按春秋元命包曰天地開闢至春秋魯哀  
公將十四年獲麟之歲凡二百二十六萬

七千年分為十紀其一曰九頭紀即人皇氏也古者  
謂一人為一頭人皇兄弟九人故也二曰五龍紀又  
謂之五姓兄弟五人曰皇伯皇仲皇叔皇季皇少治  
在五方司五行布山嶽繼人皇御世者也方是時也  
世亟巢穴日月貞明三曰攝提紀五十九姓繼五龍  
氏以治分天下而居焉四曰合維紀三姓繼攝提氏

以治始教民穴居者也五曰連通紀六姓繼合雒氏  
以治六曰叙命紀四姓繼連通氏以治七曰循蜚紀  
八曰因提紀九曰禪通紀十曰疏佗紀自人皇氏至  
叙命氏凡八十三君自循蜚而後皆有世次可紀禪  
通則終于炎帝疏佗則始于黃帝以迄于周言雖繁  
而事不經見聞者疑之夫人靈於萬物而氣稟不齊  
其才德出類者則為衆所宗此君道之始也蠶蜩尚  
然況于人哉以盤古之先為無君耶吾不得而知也  
以人皇之後為有君耶吾不得而泯也慎其世而著  
其號舍其怪而存其常可也故謹列循蜚紀以下附  
諸人皇氏之  
末備考覽焉

### 循蜚紀

循蜚者以其時德厚信人循其化速若蜚  
也有號而無世凡二十二氏。鉅靈氏出

於汾雅握大象持化權揮五丁之士驅陰陽反山川  
居無恒處而跡躋于蜀。句彊氏。譙明氏。涿

光氏。鈎陣氏。黃神氏。狃神氏。犂靈氏。大駟氏。鬼駟氏。奔茲氏。泰逢氏。冉相氏。蓋盈氏。大敦氏。靈陽氏。巫常氏。泰壹氏。是為皇人調大鴻之氣正神明之位蓋範無形嘗無味要會久視操法鑑而長存者。空桑氏。神民氏。又曰神皇蓋使神民異業精氣通行者。猗帝氏。次民氏。次民之世穴處終矣。

因提紀

因提者其世咸有制作俾後人可因以利時也有號有世凡十三氏。辰放氏古初

之人卉服蔽體辰放氏作教民擣木茹皮以禦風霜編髮閭首以去靈雨而人從之命之曰衣皮之民傳四世。蜀山氏蜀之為國肇自人皇其始蠶叢拍獲魚鳧三君各數百歲同號蜀山蠶叢居瞿上魚鳧治導江逮蒲澤俾明時人氓推結左言不知文字事莫克傳最後望帝杜宇云。鵲傀氏傳

六世。渾沌氏傳七世。東戶氏子思子曰東戶氏之熙載也。紹荒屯遺美好垂精拱默而九寰以承流當是之時禽獸成羣竹木遂長道上顏行而不拾遺耕者餘餼宿之隴首其歌樂而無謠其哭哀而無聲蓋至德之世也。傳十七世。皇覃氏又曰離光氏春秋命歷序曰皇覃氏之世也在而不治官天地府萬物害乎無假是故死生同兆而不可相陵傳七世。啓統氏傳三世。吉夷氏傳四世。几蘧氏亢倉子曰几蘧氏之在天下也不治而不亂徇耳目內通而外乎心知天下之人惟知母不知父鵲居穀飲而不求不譽晝則旅行夜則類處及其死也橐舁風化而已。今之曰知生之民天下蓋不足治也。稀韋氏傳四世。有巢氏太古之民穴居野處搏生咀華與物相友無有疥傷之心逮乎後世人民機智而物始為敵爪牙角毒槩不足以勝禽獸有聖者作構木為巢教民居之

以避其害號曰有巢氏之民傳二世。燧人氏自  
有巢氏教民巢居然猶未知熟食也有聖人作觀  
星辰而察五行知空有火麗木則明於是鑽木取  
火教民以烹飪而民利之故號燧人氏以為燧者  
火之所生也乃別五木以改火順四時而遂天之  
意由是火之功用洽矣時未有文字燧人氏始作  
結繩之政立傳教之臺為日中之市興交易之道  
人情以遂故又謂之遂皇有四佐焉曰明由必育  
成博隕丘傳四世。庸成氏羣玉之山平阿無隘  
四徽中繩庸成氏之所守先王之冊府也傳八世  
**禪通紀**  
禪通者通于封禪之君也。史皇氏倉帝  
名頡有睿德生而能書及長登陽虛之山  
臨于玄扈洛水之汭靈龜負書丹甲青文倉帝受  
之遂窮天地之變仰觀奎星圖曲之勢俯察龜文  
鳥羽山川掌指而泐文字文字成天為雨粟鬼為  
夜哭居陽武而葬利鄉。拍皇氏。中央氏。大



庭氏。栗陸氏。昆連氏。軒轅氏。作于空桑之  
北。紹物開智。見轉蓬而制。乘車橫木。為軒直木。為  
轅。故號軒轅氏。赫胥氏。葛天氏。尊盧氏。  
祝融氏。又曰祝誦氏。是時天下洽和。萬物咸若。祝  
融聽弇州之鳴鳥。以為樂歌。諧神明而和人聲。以  
火施化。亦號赤帝。故後世火官。因為號都于鄆。  
葬衡山之陽。昊英氏。有巢氏。朱襄氏。陰  
康氏。無懷氏。太昊伏犧氏。女皇氏。炎帝  
神農氏。按禪通紀。凡十九氏。其軒轅祝  
融。或當在太昊前。餘合繫太昊之後也。

疏仡紀

疏以知遠。仡以審斷。仁義道德之  
所用也。其世則自黃帝以訖于周。

### 三皇

太昊伏犧氏

太昊之母。居于華胥之渚。履巨人跡。意有  
所動。虹且遶之。因而始娠。生帝于成紀。以

木德繼天而王故風姓有聖  
德象日月之明故曰太昊  
作都于陳○教民佃漁畜

牧以充庖厨  
人生之始也與禽獸無異知有母而不知其父知有愛而不知其禮卧則去去起則

吁吁飢則求食飽則棄餘茹毛飲血而衣皮革太昊始  
作網罟以佃以漁以瞻民用故曰伏犧氏養犧牲以充

庖厨故又畫八卦造書契  
太昊德合上下天應以鳥獸文章地應以河圖洛書於是

曰庖犧氏  
仰觀象于天俯觀法于地中觀萬物之情始畫八卦卦有三爻因而重之為卦六十有四以通神明之德作書

契以代結繩之政書制有六一曰象形二曰假借三曰  
指事四曰會意五曰轉注六曰諧聲使天下義理必歸

文字天下文作甲歷  
起於甲寅支干相配為十二辰六字必歸六書甲而天道周矣歲以是紀而年不

亂月以是紀而時不易晝夜以是紀而  
制嫁娶  
上古男  
人知度東西南北以是紀而方不惑  
女無別

太昊始制嫁娶以儷皮為禮正姓氏以龍紀官太昊因通媒妁以重人倫之本而民始不瀆

龍馬負

圖出于河之瑞始名官而以龍紀號曰龍師命朱襄為飛龍氏造書契吳英為潛龍氏造甲歷大庭為居龍氏治屋廬渾沌為降龍氏驅民害陰康為土龍氏治田里粟陸為水龍氏繁滋草木疏導泉源又命五官春官為青龍氏又曰蒼龍夏官為赤龍氏秋官為白龍氏冬官為黑龍氏中官為黃龍氏於是共工為上相柏皇為下相朱襄吳英常居左右栗陸居北赫胥居南昆連居西葛天居東陰康居下分理宇內而政化大洽造琴瑟太昊作荒樂歌扶徠詠周畧以鎮天下之人命曰立基斷桐為琴繩絲為弦弦二十有七命之曰離微以通神明之貺以合天人之和絙桑為三十六弦在位百之瑟以修身理性反其天真而樂音自是興焉

十五年崩。傳十五氏

女媧氏與太昊同母生而神靈佐太昊正昏姻以重萬民之判

是為神媒太昊沒共工氏作亂振滔洪水以禍天下女媧役其神力以與共工氏較卒滅共工氏而誅之以治天下都于中皇之山是為女皇命臣隨作笙簧以通殊風娥陵制都良莞以一天下之音用五十弦之瑟於澤丘以郊天侑神聽之極悲乃破為二十五弦以抑其情而樂乃和治百三十載而沒。柏皇氏之在世也為而不有應而不求居于皇人之山。中央氏亦曰中皇氏。大庭氏之腐錄也三辰豐輝五鳳異色都于曲阜故魯有大庭氏之庫亦曰朱顏氏。栗陸氏之為政教悞自用民始攜叛其臣東里子諫而被殺天下益貳栗陸遂亡。驪連氏亦曰昆連氏。渾沌氏。赫胥氏之為治也尊民而重事方是之時人居不知所為行不知所之鼓腹而游含哺而嬉晝動夕息渴飲飢食莫知作善而作惡也。尊盧氏之立政也官天地府萬物華天下之故而世用寧治居強臺之陽。昊英氏之居位也人民少而草木鳥獸繁益衣薪之代也又曰子英。有巢

氏昔在上古人多禽獸之難聖人教之巢居人獲安焉  
及其久也木處而顛有聖人教之編槿而廬緝蠶而靡  
填塗茨翳以違其禍以其革有巢之化故亦號有巢氏  
是曰古皇蓋屋廬之始也○朱襄氏之時恒風振蕩果  
木不實朱襄命士達作五弦之瑟以采陰氣定羣生而  
天下治又曰子襄○葛天氏之世不言而信不化而行  
蕩蕩乎無能名之俗以熙熙其作樂也三人操牛尾投  
足以歌八闋一日載民二曰玄鳥三日遂草木四曰奮  
五穀五曰謹天常六曰達帝功七曰依地德八曰總萬  
物之極是為廣樂○陰康氏之時水瀆不䟽陰凝而易  
閉人鬱于內腠理滯著而多重肥陰康思所以利其關  
節乃制舞焉治于華原○無懷氏之撫世也以道存生  
以德安刑其民甘食而樂居懷土而重生形有動作心  
無好惡雞犬之音相聞民至老死不相往來命之曰無  
懷氏之民○世傳伏羲氏之後凡十五氏為天子而後  
神農氏作今按易繫辭曰庖犧氏沒神農氏作則相傳

者不足信矣况太昊命官而十五氏多預焉則是皆佐  
伏犧為治之臣明矣豈當其時各君一方以理民如後  
世諸侯共工氏太昊之沒共工氏曰康回老髦身朱髮  
之國耶任智自神傲亂天常竊保冀方自謂水  
德乃以水紀官師虞于湛樂淫佚其身欲壅防百川隳  
高堙卑以害天下皇天弗福庶民弗助女媧氏戮之共  
工氏遂亡

炎帝神農氏

少典氏之君娶于有嬌氏之女曰安登生  
二子焉長曰石年育于姜水故以姜為姓

以火德代伏犧氏治天下故曰炎帝其起本于烈山又  
號烈山氏亦曰連山氏其初國伊繼國耆合而稱之故  
又號曰都陳遷曲阜○初甄五穀嘗百草古者民茹草  
木之實食禽  
獸之肉而未知耕稼炎帝因天時相地宜斲木為耜  
木為耒始教民甄五穀而農事興焉民有疾病未知藥

石炎帝始味草木之滋察其寒溫平熱之性辨其君臣佐使之義嘗一日而遇七十毒神而化之遂作方書以療民疾而醫道立矣復察水泉甘苦令人知所避就由是居民安食力而無夭札之患天下宜之故號神農氏

始為日中之市

炎帝之世其俗樸重端慤不忿爭而財足無制令而民從威厲而不殺法省而

不煩始列廛于國中為市致天下以火紀官

因火德王

故以火紀官為火師春官為大火夏官為鶉在位百四

火秋官為西火冬官為北火中官為中火

十年崩于長沙之茶鄉

炎帝之世諸侯風沙氏叛不用帝命其臣箕文諫而被殺炎帝

益修厥德風沙之民自攻其君而來歸其地於是南至交趾北至幽都東至暘谷西至三危莫不從其化也

傳八帝至榆罔而亡

神農氏納莽水氏之女曰聽諗生臨魁嗣為炎帝在位八十年臨魁

生帝承在位六十年承生帝明在位四十九年明生帝  
宜又曰帝直在位四十五年宜生帝來亦曰帝克在位  
四十八年來生帝裏又曰帝居在位四十三年居生節  
莖節莖生克及戲皆不在帝位克生帝榆罔榆罔居于  
空桑為政束急務乘人而鬪其捷於是諸侯攜貳其臣  
蚩尤作亂帝遜居于涿鹿有熊國君曰公孫軒轅實懋  
聖德諸侯歸之帝之五十五年諸侯專軒轅為天子降  
封帝于路神農氏遂亡○炎帝別子曰柱有聖德佐帝  
播種五穀後世德之祀以為稷有子曰慶甲或云嘗嗣  
炎帝云○戲生器器生祝融為黃帝司徒祝融生術囂  
術囂生勾龍為顓頊后土能平九州辨土地之宜以教  
兆民後世祀之以配社勾龍生垂垂為堯共工寔生伯  
夷封于呂為舜四嶽  
其後呂尚周封于齊

黃帝有熊氏

初神農氏母弟世嗣少典氏為諸侯帝榆  
罔之代少典國君之妃曰附寶者感電光



繞斗而有身生帝于軒轅之丘因名軒轅姓公孫軒轅生而神靈弱而能言幼而徇齊長而敦敏成而聰明國

于有熊故號有熊氏長及炎帝戰于阪泉神農氏衰諸侯相侵伐炎

帝榆罔弗能征於是軒轅習用干戈以征不享諸侯咸來賓從榆罔欲侵陵諸侯諸侯益叛之軒轅修德振兵

治五氣藝五種撫萬民度四方教熊羆貔貅貙虎以與榆罔戰于阪泉之野三戰然後得其志誅蚩尤

于涿鹿蚩尤姜姓炎帝之裔也好兵喜亂作刀戟大弩以暴虐于天下兼并諸侯貪欲無度炎帝榆罔

不能制之命居少顓以臨西方蚩尤益肆其惡出羊水登九淖以攻炎帝于空桑炎帝避居涿鹿軒轅乃徵師

諸侯與蚩尤戰于涿鹿之野蚩尤作大霧軍士昏迷軒轅為指南車以示四方遂擒蚩尤戮于中冀因名其地

曰絕轡之野諸侯尊為黃帝代神農氏以治天下軒轅自涿鹿還諸侯

咸尊為天子以代神農氏因以雲紀官帝初受命適有其土德之瑞故號曰黃帝

官為立六相帝舉風后力牧太山稽常先大鴻以治民劉恕外紀曰黃帝得六相而天地治神明

至風后明乎天道故為當時太常察乎地利故為稟者

封龍辨乎東方故為土師祝融辨乎南方故為司徒大

后土辨乎北方故為李立占天之官帝既受河圖得其

五官以叙五事命鬼史區占星闕苞授規正日月星辰

之象於是乎有星官之書命羲和占日尚儀占月車區

占命大撓作甲子帝命大撓探五行之情占斗柄所建始作甲子甲乙丙丁戊己庚辛壬癸

謂之幹子丑寅卯辰巳午未申酉戌亥謂之枝枝幹相配以名日而定之以納音命容成作益

天及調歷

帝命容成作益天以象周天之形綜六術以定氣運因問于鬼史區曰上下周紀其可數

乎對曰天以六節地以五制周天氣者六期為備終地紀者五歲為周五六合者歲三千七百二十氣為一紀六十歲千四百四十氣為一周太過不及斯以見矣乃因五量治五氣起消息察發斂以作調歷歲紀甲寅日紀甲子而時節定是歲己酉朔旦日南至而獲神策得寶鼎冕侯問於鬼史區對曰是謂得天之紀終而復始乃迎日推策造十六神歷積邪分以置命隸首作數帝閏配甲子而設節於是時惠而辰從矣命隸首作數帝隸首定數以率其美要其會命伶倫造律帝命伶倫自而律度量衡由是而成焉命伶倫造律大夏之西阮隃之陰取竹於解谿之谷以生空竅厚鈞者斷兩節間長三寸九分而吹之以為黃鐘之宮制十二筩以聽鳳凰之鳴而別十二律其雄鳴為六雌鳴亦六以比黃鐘之宮生六律六呂候氣之應以立宮商角徵羽之聲治陰陽之氣節四時之變推命榮援作十二鐘帝命榮援律歷之數起消息正閏餘命榮援作十二鐘鑄十二鐘

協月筭以和五音  
立天時正人位焉

**命大容作咸池之樂**

帝命大容作承雲之樂是為雲

門大卷著之控揭以道其和  
乙卯之辰日在奎始奏之命曰咸池

**作冕旒正衣裳**

帝作冕垂旒充纁為玄衣黃裳以象天地之正色旁觀  
輦翟草木之華乃染五采為文章以表貴賤於是袞冕

衣裳之制興

**作器用**

帝命甯封為陶正赤將為木正以利器  
用揮作弓夷牟作矢以威天下岐伯作

鼓吹鐃角靈鞞神  
鉦以揚德建武

**作舟車**

帝命共鼓化狐剝木為舟剡  
木為楫以濟不通邑夷法斗

之周旋魍方約直以攜龍角作大輅以行四方  
由是車制備服牛乘馬引重致遠而天下利矣

**作合宮**

帝廣宮室之制遂作合宮  
祀上帝接萬靈布政教焉

**作貨幣**

帝範金為貨制金刀  
立五幣設九棘之利

為輕重之法以制  
國用而貨幣行矣

**作內經**

帝以人之生也負陰而抱陽  
食味而被色寒暑盪之於外

喜怒哀之於內天昏凶札君民代有乃上窮下際察五  
氣立五運洞性命紀陰陽咨於岐伯而作內經復命俞  
跖岐伯雷公察明堂究息脉巫  
彭桐君處方餌而人得以盡年  
命元妃西陵氏教民蠶  
西陵氏之女嫫祖為帝元妃始教民育蠶治絲繭  
以供衣服而天下無皴瘡之患後世祀為先蠶  
畫野

### 分州經土設井

帝內行刀鋸外用甲兵制陣法設旗旄  
天下有不順者從而征之平者去之披

山通道未嘗寧居東至于海西至于空桐南至江  
北逐葷粥合符釜山而邑于涿鹿之阿遷徙無常處以師  
兵為營衛於是畫野分州得百里之國萬區命匠營國  
邑置左右大監監于萬國萬國以和遂經土設井以塞  
爭端立步制畝以防不足使八家為井井開四道而分  
八宅井一為隣隣三為朋朋三為里里五為邑邑十為  
都都十為師師十為州州分之於  
井而計於州則地著而數詳  
屈軼生于庭鳳皇巢于

閣麒麟遊于囿

帝順天地之紀幽明之占死生之說存亡之難時播百穀草木淳化鳥獸蟲蛾

旁羅日月星辰水波土石金玉勞勤心力耳目節用水火財物由是民不習偽官不懷私市不預價城郭不閉見利不爭風雨時若人無天札勿無疵癘虎豹不妄噬驚鳥不妄搏裔夷之人罔不來享有草生于庭俟人入則指之名曰屈軼鳳皇巢于阿閣麒麟遊于苑囿焉

在位百年崩于荊山之陽

帝

首山之銅鑄三鼎於荊山之陽八月既望鼎成崩焉年百十有一歲葬橋山其臣左徹感恩取衣冠几杖而廟祀之帥諸侯羣臣歲時朝焉

帝子二十有五人

帝元妃西陵氏之女曰嫫祖生昌意玄囂

龍苗二妃方累氏之女曰節生休及清三妃彤魚氏之女生揮及夷彭四妃曰嫫母貌惡德充生蒼林禹陽其衆妾之子十六人總四妃之子為二十有五其得姓者十有四人別為十二姓曰祁己滕箴任荀僖姑懷依二

姬二酉及有虞氏有天下封帝後為侯伯者十有九焉  
○或云休偕姓黃帝之崩諸侯尊休為帝號有鴻氏無  
思無為不慮不圖而臻至治在位四十七年而崩葬于  
雍有子曰白民曰嘻嘻生李格格生帝魁白民銷姓降  
居于夷其別子為防風氏○又曰帝鴻氏有別子曰緡  
雲氏不才子曰混沌緡雲氏娶土敬氏之女曰炎融寔  
生驩兜堯放之崇山驩兜生三苗堯竄之三  
危三苗氏有弟曰饕餮○又曰蒼林生始均

## 五帝

少昊金天氏

名摯姓己黃帝之子玄囂也母曰嫫祖感  
大星如虹下臨華渚之祥而生帝黃帝之

世降居江水邑于窮桑故號窮桑氏國于青陽因號青  
陽氏以金德王天下遂號金天氏能修大昊之法故曰  
少昊○或云黃帝之子清是為青陽氏  
娶于類氏之女曰皇娥生摯于河之湄都于曲阜○以

鳥紀官

正也。少昊之立也，鳳鳥適至，因以鳥紀官。鳳鳥氏歷

氏司啓者也，丹鳥氏司分者也，伯趙氏司至者也，青鳥

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

司馬也，鴈鳩氏司空也，爽鳩氏司寇也，鶡鳩氏司徒也，睢鳩氏

顓頊高陽氏

姬姓，祖曰黃帝，父曰昌意。昌意娶蜀山氏之女，曰昌僕，是為女樞。感瑤光貫月之祥

該脩熙其不才子曰窮奇

有子曰昧，為玄冥。師于高陽之世，少昊別子四人曰重

淵，曰九，在位八十四年崩。壽百歲，葬于雲陽。故後世又曰

樂，帝之御世也，諸福之物畢至，爰書鸞鳳立，建鼓制浮

量，夷民者也。九扈為九農正，扈民無淫者也。作大淵之

五鳩，鳩民者也。五雉為五工正，利器用，正度，作大淵之

量，夷民者也。九扈為九農正，扈民無淫者也。作大淵之

量，夷民者也。九扈為九農正，扈民無淫者也。作大淵之



生帝于若水年十歲佐少昊年二十即帝位以水德紹金天氏政初國高陽故號高陽氏○或云昌意娶昌僕生乾荒乾荒娶于母家曰女樞寔生顓頊

都于帝丘○命五官

顓頊帝之世不能紀遠始為

民師而命以民事以少昊之四子重該脩熙寔能金木及水乃俾重為木正曰句芒該為金政曰蓐收脩熙相代為水政曰玄冥又以炎帝之子句龍為命南正重司土政而帝之子為火政曰祝融是謂五官

天北政黎司地以屬神民

古者民神異業是以禍災不至而求用不匱少昊氏衰九

黎亂德民神雜揉不可方物家為巫史無有要質民匱于祀嘉生不祥無物以享禍災薦臻莫盡其氣顓頊帝受之乃命南正重司天以屬神北正黎司地以屬民使復舊常無相侵瀆民用安生

以斗杓建寅

之月為歷元

帝作歷以孟春之月為元是歲正月朔旦立春五星會于天歷營室冰凍始泮蟄蟲

始發雞始三號天曰作時地曰作昌人曰作  
樂鳥獸萬物莫不應和故顓帝為厯宗也  
作承雲之

樂帝命飛龍氏會八風之音為圭水之曲以召氣而生  
物浮金効珍於是鑄為之鐘作五基六英之樂以調

陰陽享上帝朝在位七十八年崩帝靜淵以有謀疏通  
羣侯名曰承雲

載時以象天依鬼神以制義治氣以教化潔誠以祭祀  
北至于幽陵南至于交趾西至于流沙東至于蟠木動

靜之物大小之神日月所照莫不砥屬年九十一而崩  
葬濮陽帝娶鄒屠氏之女生駱明蒼舒隋散檮戴大臨

龐降庭堅仲容叔達又娶勝漬氏之女生卷章庶子曰  
窮輝其不才子曰檮杌自蒼舒至叔達所謂齊聖廣淵

明允篤誠天下之人謂之八愷者也○駱明如姓生伯  
繇繇生禹是為夏后氏○卷章妻曰女嬌生黎及回黎

與回代為祝融于高辛之世吳回生陸終陸終生子六  
人曰樊曰惠連曰錢鏗曰會人曰曹姓曰季連樊封于

昆吾錢鏗封于彭是為彭祖其孫元哲封于韋是為豕韋昆吾豕韋當夏之世代為侯伯李連半姓其後為楚○窮蟬生敬康敬康生句望句望生橋牛橋牛生瞽叟瞽叟生舜是為有虞氏或曰敬康之先國于虞非顓帝之裔也○顓帝之裔孫曰女修生大業大業之妻曰女莘生大費是為伯益佐禹治水有功舜賜姓嬴氏禹薦于天者其長子曰大廉其後為秦為趙

帝嚳高辛氏

名俊姓姬祖曰少昊父曰蟠極生而神靈年十五佐顓帝受封于辛年三十以木德

代高陽氏為天子以其肇基于辛故號高辛氏

都于亳作九招之樂

帝命咸黑典樂

為聲歌命曰九招

在位七十年崩

帝普施利物不於其身聰以知遠明以察微順天之義知

民之急仁而威惠而信修身而天下服取地之財而節用之撫教萬民而利誨之歷日月而迎送之明鬼神而

敬事之其色郁郁其德巍巍其動也時其服也士帝漑  
執中而偏天下日月所照風雨所至莫不服從年百五  
歲而崩葬項丘帝元妃有邵氏女曰姜嫄生棄為舜后  
稷其後為周次妃有娥氏女曰簡狄生契為舜司徒其  
後為商三妃陳鋒氏女曰慶都生堯是為陶唐氏四妃  
姬訾氏女曰常儀生摯庶子曰伯奮仲堪叔獻季仲伯  
虎仲熊叔豹季狸忠肅共懿宣慈惠和天子摯即天子  
下之人謂之八元其不才子曰實沈閼伯

位九年而廢

帝嚳崩摯嗣立荒淫無度不修善政  
居九年諸侯廢之而尊堯為天子

帝堯陶唐氏

見金氏通鑑前編及捫歷代筆記

帝舜有虞氏

見前編及筆記

三代

夏禪受舜

商滅夏

周滅商

已上見前編及綱目并筆記

秦滅周

兩漢

西漢滅秦

東漢

三國

後漢

魏篡東漢滅後漢

吳

兩晉

西晉

篡魏

東晉

南北朝

宋

纂  
東晉

齊

纂  
宋

梁

纂  
齊

陳

纂  
梁

已上南朝

元魏

東魏

西魏

北齊

纂  
東魏

北周

纂  
西魏  
北齊

已上北朝

隋

纂  
北周  
滅陳

唐

纂  
隋

五代

梁

纂  
唐

唐

纂  
梁

晉

纂  
唐

漢

纂  
唐

周

纂  
漢

已上見綱目并筆記

通鑑續編卷一



欽定四庫全書

通鑑續編卷二

元 陳桎 撰

辛酉 唐昭宗皇帝天復元年契丹哈陶津汗以耶律安

巴堅為額爾奇木

初炎帝之裔曰葛烏菟世雄朔漠號東胡匈奴冒頓單于襲破之餘眾保

鮮卑山魏青龍中幽州刺史王雄殺其酋叱能眾散徙潢水至酋莫那達于遼西九傳而為慕容晃所破分其眾為三曰宇文曰庫莫奚曰契丹元魏初眾稍滋蔓而契丹酋奇善居潢河土河之間有子八人各自為部高句驪柔然謀擊之大酋美佛赫佛寧懼率部落三十乘請附于魏因居白狼水東唐初大酋號

達呼哩氏有勝兵八萬貞觀中太宗伐高麗首領庫克來朝詔分其地為十州以其部長為刺史拜庫克為松漠都督賜姓李氏統領其衆庫克死其孫盡忠叛武后遣師二十萬連年乃克餘衆附于突厥開元中盡忠從弟舍瑒請降詔復以為都督舍瑒傳縲古縲古為衙官格圖肯所殺弟裕允嗣裕允死弟托允立格圖肯復逐之部人共立托允之弟縲古格圖肯殺縲古而立庫哩以附于突厥幽州刺史張守珪討殺格圖肯詔封其別部長果珍為北平王以統達呼哩氏諸部格圖肯之黨聶呼殺果珍而立達年扎里為蘇爾威汗改號約尼氏聶呼自為德呼勒部輔蘇爾威以為政始立制度設官分地刻木為契穴地為牢焉聶呼者本奇善之後居潢河濱號森濟氏及主德呼勒部因譯其始興之地錫里為耶律而姓之天寶四年詔賜蘇爾威名曰李懷秀仍為松漠都督懷秀尋叛詔更封別部長且羅為恭仁王以代懷秀且羅自稱契丹

王會安祿山反朝貢阻絕其世次莫得而詳或言其國凡八部常推其一部大人建旗鼓以主號令然其所稱耶彌可汗屈戌巴刺可汗習爾之類不知何部大人也是年習爾死其族人歛德立是為痕德董可汗痕德董之世諸部多微而迭刺部自雅里以後世為遙輦氏夷高董掌其國政雅里子曰毗牒毗牒生頽頽頽頽生耨里思大度寡欲令嚴衆附部益益強耨里思生薩刺德薩刺德生勾德實教民稼穡善畜牧部以殷富勾德實生撒刺的始教民鼓鑄其弟述彌又善用兵于厥室韋奚霫畏服之初築城邑屋廬以居樹藝桑麻以織組焉阿保機撒刺的長子也小字斃里只生而英異初為撻馬拔沙里猶中國扈從官也數立功國人服之號為阿主沙里至是授大迭烈府夷高董得專用兵遂大破室韋于厥及奚諸國夷高董掌部族軍民之政猶中國使相也

壬戌二年秋七月契丹阿保機寇河東代北陷九郡九月

城龍化州

阿保機率衆四十萬寇河東保北陷九郡虜生口九萬五千九月城具始祖奇首故地

潢河之南古漢安平縣為龍化州契丹作西樓于世

沒里

契丹之先草居野次靡有定所阿保機始於遼右八部世沒里之地建西樓以為遊獵之所

癸亥三年秋九月契丹阿保機寇河東陷懷遠軍阿保機攻女真

降之獲其戶三百九月寇河東陷懷遠十月東掠薊北而去先是撒剌的俘奚七千戶徙饒樂之清河至是創為奚迭剌冬十月契丹以阿保機為于越總知部分十三縣

國事遂作東樓于龍化州

于越契丹至貴之職非有大功德者不授阿保機乃

廣龍化州之東城  
建東樓以紀功

甲子天祐元年秋九月契丹安巴堅侵實珪盧龍節度使

劉仁恭遣師救之敗績

安巴堅攻黑車子實珪劉仁恭使養子趙霸救之遇于武

州霸兵大敗被執安巴堅乘勝大破實珪

丑乙昭宣帝天祐二年秋八月晉王李克用遣使如契丹

九月契丹安巴堅會晉王于雲中

李克用遣康令德通好于安巴堅九

月安巴堅以騎兵七萬會克用于雲中約為兄弟宴甚驩克用因與會師進擊劉仁恭拔數州盡徙其民復期共擊朱全忠安巴堅許之已而或勸克用乘間拘安巴堅于會克用不許曰讎敵未滅而失信於人

自亡之道也安巴堅既去聞之乃背盟更附朱全忠克用由是怨之

丙寅三年春二月朱全忠遣使如契丹○冬十一月契丹

安巴堅侵奚霫女真諸部降之○十二月契丹哈陶

津汗欽德死

丁卯

梁太祖朱晃開平元年○契丹太祖耶律億元年是歲唐亡梁代

春正月契丹耶

律安巴堅稱帝更名億

哈陶津汗既死其衆請安巴堅為汗安巴堅未從耶

律赫魯曰機不可失也安巴堅乃命設壇于舒伊旺尼珠彈温燔柴告天即皇帝位北宰相蕭實刺南宰相

耶律烏魯斯率其下上尊號曰天皇帝后舒魯氏二曰地皇后安巴堅更名曰億以赫魯總軍國事

月契丹侵黑車子實珪降之。夏四月梁王朱全忠

稱皇帝于汴州更名晃廢唐帝為濟陰王

戊辰

梁開平二年  
凡六國五鎮

冬十月契丹作明王樓

樓在紳穆哩  
與西樓相近

己巳

梁開平三年  
凡六國五鎮

春二月梁使郎公遠如契丹。三月

契丹錫里素會滄州劉守文之師伐幽州敗劉守光

于北淖口

幽州節度使劉仁恭為其子守光所囚義  
昌節度使劉守文守光兄也發兵討之互

有勝負守文乞師于契丹契丹主使錫里素以兵會  
焉次于北淖口守光軍于橫海軍之近淀一鼓破之  
守光潰去因名北淖口為會盟口契丹以韓知古為左僕射

知古薊  
州玉田

人有識量年六歲為契丹舒魯后之兄允所虜以勝后焉久之未得省怏怏挺身逃去為人傭保以自給會其子匡嗣以善醫得幸于契丹主因問言之契丹主召與語賢其才命參謀信任日篤至是拜左僕射總知漢人司事兼主諸國禮儀時儀法疏闊知古參酌國俗與漢儀雜就之使國人易知而可行遂建碑龍化州大廣寺以紀契丹主之功德契丹以蕭達魯為北府宰相

達魯契丹

主后之弟也自是后族世為此職

庚午

梁開平四年凡六國五鎮

夏四月梁夏州亂殺節度使李彝昌

以其族父仁福代之

初拓跋赤辭以部落歸唐太宗賜姓李氏置靜邊等州以處之

其析居夏州者號平夏部黃巢之亂夏州偏將拓跋思敬以功復賜國姓拜定難軍節度使有夏銀綬宥



靜五州世襲其職至是其將  
高宗益殺曩昌而立仁福

辛未

梁乾化元年  
凡六國五鎮

春正月契丹侵奚霫盡取其地

契丹主攻

西部所向輒克遂分兵攻東奚亦平之於是盡取奚霫之地東際海南暨白檀西踰松漠北抵潢水凡五部咸入版籍還次  
樂河勒石焉  
夏五月契丹主之弟埒克等謀亂盟

而釋之

契丹主有弟五人曰埒克曰特爾格曰伊德實曰安圖曰蘇埒克性愚險好亂與諸弟謀

反安圖妻訥默庫以事聞契丹主不忍加誅召諸弟登山刑牲告天地為誓而赦之

壬申

梁乾化二年  
凡六國五鎮

冬十月契丹主之弟埒克等復謀亂

釋不治

埒克復與諸弟謀作亂會契丹主攻珠巴克還次北阿魯山諸弟以兵阻其歸路契丹主

乃南趨赤水河諸弟各遣人謝罪命釋之

癸酉

梁主瑱乾化三年是歲凡六國五鎮

春三月契丹主之弟埒克等反

誅其黨而釋之

三月契丹主次蘆水特爾格圖為奚王與安圖擁千餘騎詐言來覲契丹

主知其謀至則拘之而分其部隸諸軍埒克率衆至伊蘇濟勒淀具天子旗鼓將自立會瑪古納古爾陽言契丹主兵且至衆遂驚潰掠居民北走契丹主以兵追之埒克伊德實引衆徑逼行帳焚輜重廬幕縱兵大殺舒魯后急遣舒古魯救之僅得天子旗鼓而已其黨珊蘇庫復却西樓焚明王樓契丹主至土河命秣馬休兵諸將請急追之契丹主曰俟其遠遁人各懷土懷土既切其心必離我軍乘之破之必矣四月追埒克及布扎爾河盡獲其輜重牲口遂進擊埒克等逆戰而敗焚其車乘廬帳而去遇契丹主所伏兵

復大敗乃遺其所奪神帳於路而奔五月至榆河與  
尼嚕古阿巴被獲伊德實自剄不殊契丹主還時大  
軍又在道輜重不相屬士卒煮馬駒採野菜以為食  
孳畜道斃者什七八物價十倍器物資貨委棄綈里  
特河狼籍數百里因更埒克名巴爾尼嚕古投崖而  
死有司鞠獄逆黨凡三百人契丹主曰人命至重死  
者不可復生其賜宴一日隨其平生之好使為之酒  
酣或歌或舞或戲射角觥各極其意明日乃以輕重  
論刑契丹主猶不忍寘諸弟於法杖埒克特爾格等而  
釋之謂伊德實安圖性庸弱為埒克所脅而然皆赦  
不治因謂左右曰謀逆若止負朕躬尚可容貸此曹  
恣行不道殘害忠良剽掠財產民間昔有萬馬今皆  
徒步開國以來未嘗有冬十一月契丹初議朝政定  
也不誅其黨何以示戒

禮儀

甲戌

梁乾化四年  
凡六國五鎮

乙亥

梁貞明元年  
凡六國五鎮

冬十月吳越遣使如契丹○高麗遣

使如契丹

丙子

梁貞明二年○

春二月契丹大赦建元

契丹主在  
龍化州德

呼勒部額爾奇木赫魯等率羣臣上尊號曰大聖大  
明天皇帝舒魯后曰應天大明地皇后大赦建元神  
冊○舒魯后名平小字鄂爾多其先回鶻人世居契  
丹右八部父曰巴噶惕爾后簡重果斷有雄略契丹  
主行兵御衆多預謀策有母有姑皆踞榻受其拜曰  
吾惟拜天不拜人也時晉王李存勗方經營河北欲  
結契丹為援以叔父事契丹主叔母事后云○契丹  
初因突厥稱后曰哈屯謂之多爾吉尊稱曰納額默

蓋以配后土而母之云○契丹之后族多伊蘇氏巴  
哩氏契丹主慕漢高祖命耶律兼稱劉氏后弟達魯  
既為北府宰相遂自比蕭相國  
由是與伊蘇巴哩兼稱蕭氏  
三月契丹主立其子

貝為太子

貝小字烏雲

夏四月晉幽州節度使盧國用降

于契丹○秋七月契丹主侵突厥吐渾党項小蕃沙

陀諸部悉降之

得其酋長及戶萬五千六百鎧甲兵仗器服九十餘萬寶貨馳馬牛羊無

筭

八月契丹陷晉朔州

獲節度使李嗣本

冬十月契丹陷晉

蔚武媯儒州遂盡有代北之地

契丹既陷朔州乘勝而東攻陷蔚武媯儒

四州斬首萬五千自代北至河曲踰陰山盡有其地  
改武州為歸化州改媯州為汗州置西南招討司選

有功者 十二月契丹取晉山北八軍

初幽州北七百里有渝關下有

渝水通海自關東北循海有道道狹處纔數尺旁皆亂山高峻不可越舊置八防禦軍募土兵守之田租皆供軍食歲致繒纈以為衣裳早獲清野以待契丹契丹至則閉壁不戰俟其去選驍勇據隘邀之契丹常失利走土兵皆自為田園力戰有功則賜勲加賞由是契丹不敢輕入寇及周德威鎮盧龍恃勇不修邊備八軍遂為契丹所有渝關之險反為敵利契丹每芻牧於營平之間德威又忌幽州舊將有名者往往殺之吳王楊行密嘗遣契丹主以猛火油曰此油然火得水愈熾可以攻城契丹主大喜即選騎欲攻幽州舒魯后哂之曰豈有試油而攻一國乎但以三千騎伏其旁掠其四野使城中無食不過數年城自困矣何必如此躁動輕舉萬一不勝為中國笑吾部落亦解體矣乃止

丁丑

梁貞明三年  
凡七國四鎮

春二月晉新州防禦使李存矩為其

下所殺裨將盧文進奔契丹

存矩晉王之弟也晉王使募山北部落及劉守

光士卒存矩自部送之盧文進為裨將行者皆憚遠役至祁溝關小校宮彥璋與士卒謀遂殺存矩文進率其麾下以三月契丹圍晉幽州夏四月晉李嗣源奔契丹焉

會師救之秋八月契丹敗走

盧文進導契丹攻新州刺史安金全棄城遁契

丹命劉殷守之三月進攻幽州節度使周德威合幽并鎮定魏五州兵拒之契丹主自率衆三十萬赴焉戰于新州東斬首三萬德威奔還幽州契丹乘勝圍之德威告急于晉王晉王方與梁相持河上欲分兵則兵少欲勿救恐失之謀于諸將獨李嗣源李存審閻寶勸王救之王喜曰昔太宗得一李靖猶擒頡利

今吾有猛將三人復何憂哉存審寶以敵無輜重勢不能久不若俟其還而擊之嗣源曰德威社稷之臣今朝夕不保恐變生於中何暇待敵之衰臣請身為前鋒以赴之王曰公言是也即日治兵四月命嗣源先進寶以鎮定兵繼後幽州受圍日久德威力守契丹主見城中有氣如煙火狀曰未可下也會大暑霖潦乃先歸留裕悅赫魯守之城中危困日甚嗣源等步騎七萬會于易州存審曰敵衆吾寡敵多騎吾多步若平原相遇彼以萬騎蹂吾陳吾無遺類矣嗣源曰敵無輜重吾行必載糧食自隨若平原相遇彼抄吾糧吾不戰自潰矣不若自山中潛行趣幽州若中道遇敵則據險拒之遂踰嶺而東嗣源與養子從珂將三千騎為前鋒距幽州六十里與契丹遇力戰得進至山口契丹以萬騎遮其前將士失色嗣源以百餘騎先進免胄揚鞭胡語謂曰汝無故犯我疆場晉王命我將百萬衆直抵西樓滅汝種族因躍馬奮撾



三八其陣斬酋長一人後軍齊進契丹兵却晉兵始  
得出存審命步兵伐木為鹿角人持一技止則成寨  
契丹騎環寨而過寨中發萬弩射之人馬死傷塞路  
將至幽州契丹列陳待之存審以步兵陳於其後戒  
勿動先令羸兵曳柴燃草而進煙塵蔽天鼓譟合戰  
乃趣後陣起乘之契丹大敗俘斬萬計嗣源等遂入  
幽州契丹埒克出奔晉幽州

戊寅

梁貞明四年  
凡七國四鎮

春二月達旦遣使奉貢于契丹契丹

城臨潢以為都

契丹既作西樓復于漠西安平之地  
取天梯博囉等三山之勢于葦甸射

金鏃箭以識之謂之龍眉宮至是命禮部尚書康默  
記城之為皇都其地沃壤負山抱海宜耕植便畜牧

夏五月契丹主作孔子廟親謁之

契丹主問左右曰  
受命之君當事天

敬神有大功德者朕欲祀之何先皆以佛對契丹主曰佛非中國教太子貝曰孔子大聖萬世所尊契丹主大悅即命建孔子廟及佛寺道觀既成契丹主親謁孔子廟命其后及太子分謁寺觀秋七月契丹裕悅耶律赫魯卒

己卯梁貞明五年凡七國四鎮春二月契丹城遼陽以漢民渤海戶實之改為東平

郡

庚辰梁貞明六年凡七國四鎮春正月契丹始製大字九月字成秋

九月契丹侵天德節度使宋瑤降之

辛巳梁龍德元年凡七國四鎮春正月契丹主以其弟蘇為南府宰

相自是宗室世為此職夏五月契丹定班爵法律○契丹主命

繪前代直臣像為招諫圖○冬十月晉王郁以契丹

寇定州十二月晉王救之契丹敗走

晉義武節度使王處直以養子

都為嗣其尊子郁怨都冒繼其宗會晉王討成德叛將張文禮處直以鎮定脣齒恐鎮亡而定孤乃潛遣郁賂契丹犯塞以緩鎮州之圍郁遂邀處直求為嗣處直許之郁即率所部朝于契丹契丹主時次居庸關分兵略擅順安遠三河良鄉望都潞滿城遂城等十餘城俘其民徙于境內因呼郁為子遷其衆于潢水之南而令其太子倍與郁率兵趣定州略地義武軍府怨處直召契丹主都亦慮郁奪其處乃同幽處直而盡殺其子孫心腹以狀白于晉王晉王即以都代處直處直憂憤而卒十二月契丹攻幽州李紹宏

嬰城自守契丹遂圍涿州即日破其郭刺史李嗣弼以城降契丹進攻定州王都告急于晉晉王帥兵五千救之至新城半出桑林契丹驚走晉王分軍逐之契丹舉衆退保望都晉王趨之遇契丹將托諾五千騎為其所圍力戰數合不能出李嗣昭以騎三百來赴托諾少却晉王乃得出因縱兵奮擊契丹大敗逐北至易州會大雪彌旬平地數尺契丹人馬死者相屬晉王躡其後見契丹野宿之所布囊于地回環方正皆如編翦雖去無一枝亂者嘆曰敵用法嚴乃能如是中國所不及也晉王至幽州使騎二百踵契丹而北戒曰敵出境即還騎恃勇進擊悉為所擒初王郁說契丹主曰鎮州美女如雲金帛如山天皇王速往則皆已物也不然為晉王所有矣舒嚕后曰吾有西樓羊馬之富其樂不可勝窮也何必勞師遠出以乘危徼利乎吾聞晉王用兵天下莫敵脫有危敗悔之何及契丹主不聽及敗契丹主繫郁以歸

壬午

梁龍德二年。契丹天贊元年。

夏四月契丹陷晉薊州。○晉師圍

鎮州張文禮求救于契丹契丹迪里救之晉李嗣昭

敗死。○冬十一月契丹耀庫濟侵薊北

耀庫濟契丹主第二子也至是授

天下兵馬大元帥攻薊北

癸未

唐莊宗李存勗同光元年。是歲唐滅梁凡六國四鎮

春正月契丹耀庫濟陷晉

平州二月契丹以盧國用為盧龍節度使

耀庫濟克平州獲刺史

趙思溫二月契丹主如平州以州為盧龍軍授盧國用節度使守之國用即盧文進也自是晉幽薊之境

歲被殺掠吏民殘弊不能自生矣

夏四月晉王李存勗稱皇帝于魏

州國號唐。契丹耀庫濟侵晉鎮州陷曲陽。冬十月

# 唐主滅梁

甲申

唐同光二年凡五國四鎮

夏六月契丹主侵吐渾党項準布等

部

契丹主大舉伐吐渾党項準布等部太子貝居守耀庫濟從行七月哈喇等擊索歡納山東部族破之

八月契丹主至烏梁海射鵝祭天遂次古單于國登

阿勒坦音德爾山以庶鹿祭天九月次古回鶻城勒

石紀功因拜日于蹕林遣騎攻準布遂鑿金河水取

烏山石輦致潢河木葉山以示山川朝海宗獄之意

詔命礪丕勒汗故碑以契丹突厥漢字紀其功是月

破呼穆蘇山諸蕃部次伊德實山以赤牛青馬祭天

地十月次于巴爾斯山遣兵踰流沙拔浮圖城盡取

西鄙諸部十一月射虎于烏蘭實呼山抵巴克實山六

里且行且獵日有  
鮮食軍士皆給  
冬十一月契丹以韓延徽為左僕

射

延徽幽州安次人初為盧龍軍節度使為劉守  
光聘于契丹契丹主怒其不屈留之舒魯后諫曰

彼秉節不撓賢者也奈何因辱之契丹主乃召與語  
大悅因命參軍事攻吐渾諸部延徽之籌畫居多且  
請樹城郭分布里以處漢人之乞降者又為之配偶  
教墾藝以生養之降民安業逃亡者少居久之慨然  
懷其鄉里賦詩見意遂亡歸唐已而與唐將王絳有  
隙懼及難乃省親幽州匿故人王德明家德明問所  
適延徽曰將復走契丹德明不以為然延徽微笑曰  
彼失我如失左右手其見我必喜既至契丹主問故  
延徽曰忘親非孝棄君非忠臣雖挺身逃臣心在陛  
下臣所以復來契丹主大喜賜名匣列匣列契丹語  
復來也即命守政事令中外  
契丹蕭阿古齊寇唐幽  
事悉令參決遂進左僕射

蔚州

契丹連歲擾唐北鄙唐以李嗣源鎮成德禦之

乙酉

唐同光二年凡五國四鎮

冬十二月契丹主侵渤海

渤海本粟末靺鞨也

唐武后時高麗別種大祚榮走保遼東睿宗封為渤海郡王因自稱渤海國併有扶餘肅慎等十餘國有文字禮樂官府制度五京十五府六十二州地方五千餘里衆數十萬鄰于高麗而與契丹世讎契丹主旣攻西鄙諸部九月還西樓謂左右曰世讎未雪豈宜安處乃大舉攻渤海大諲譔舒嚕后太子目大元帥耀庫濟從閏十二月祠木葉山遂以青牛白馬祭天地于烏山進次商嶺丁巳夜圍扶餘城

丙戌

唐明宗嗣源天成元年契丹天顯元年凡五國三鎮

春正月契丹主滅

渤海二月改為東丹國以其子貝為人皇王居之

正月



契丹拔扶餘城欲括城內戶太子貝諫曰今始得地而料民民必不安若乘破竹之勢徑造輝罕城克之必矣契丹主從之遂進兵圍輝罕城大諲譔戰敗乞降契丹主受之先遣近侍入城索兵仗渤海邏卒害之諲譔復叛契丹攻其城入馬諲譔請罪馬前契丹主命以兵衛諲譔及族屬出城二月壬辰以青牛白馬祭天地大赦改元天顯丙午改渤海為東丹國輝罕為天福城冊太子貝為人皇王以主之復以弟特爾格為左大相渤海老相為右大相渤海司徒大素賢及耶律伊濟為左右次相而還寘大諲譔於臨潢之西賜名曰烏勒呼人皇王建元甘露稱制置百官于其國一切以漢法為治歲貢布十五萬端馬千匹而已

**夏四月唐使姚坤如契丹**  
唐莊宗為郭從謙所弒明宗即位遣供奉官姚

坤告哀于契丹契丹主慟哭曰我楚德爾也楚德爾華言朋友也謂坤曰今天子聞洛陽有急何不救坤

曰地遠不能及曰何故自立坤言其由曰漢兒喜飾詐母多談又曰聞吾兒專好聲色遊畋不恤軍民宜其及此我自聞之舉家不飲酒散遣伶人解縱鷹犬若亦效吾兒所為行自亡矣又曰我於今天子無怨足以及修好若與我大河之北吾不復南侵矣坤曰此非使臣之所得專也契丹主怒囚之旬餘復召謂曰河北恐難得鎮定幽州亦可也給紙筆趣令為狀坤不可欲殺之韓延徽切諫乃復囚坤 秋七

月契丹主億卒于扶餘其后舒嚕氏治國事

契丹主自渤海

還七月甲戌次扶餘城而疾卒已殂年五十五舒嚕后稱制決事人皇王貝大元帥耀庫濟間計皆還九月至西樓謚曰昇天皇帝廟號太祖權殯于子城西北○舒嚕后既稱制召諸酋長妻謂曰我今寡居汝不可不效我又集其夫泣問曰汝思先帝否對曰受先帝恩豈得不思曰果思之宜往見之遂殺之左右有

桀黠者后輒謂曰為我達語於先帝至墓所則殺之前後所殺以百數最後趙思溫當往不肯行后曰汝事先帝嘗親近何為不行對曰親近莫如后后往臣請繼之后曰吾非不欲從先帝于地下也顧嗣子幼弱國家無主不得往耳乃斷腕令置墓中思溫亦得免冬十月契丹盧龍節度使盧國用帥其眾還唐

丁亥

唐天成二年契丹太宗德光天顯二年

冬十一月契丹主德光

立尊其母舒嚕氏為太后

八月葬太祖于祖陵既葬太祖議嗣位者舒嚕后欲

舍人皇王貝而立耀庫濟乃命貝與耀庫濟俱乘馬立帳前謂羣臣曰二子吾皆愛之莫知所立汝曹擇可者執其轡衆知后意爭執耀庫濟轡后曰衆之所欲吾安敢違遂立為天皇王是為嗣聖皇帝請改元不許十

二月尊后為應天皇太后國事皆決焉立妃蕭氏為皇后耀庫濟改名曰德光人皇王貝以不得立常怏怏太后知之遣歸東丹契丹城紳穆里為祖州及太祖葬其處

四世所生之地因名曰祖州而興版築焉

戊子唐天成三年凡五國三鎮春正月契丹以王郁為興國軍節度

使○三月唐義武節度使王都反乞師于契丹夏五

月唐招討使王晏球討都及契丹奚圖哩塔拉戰于

定州大敗之王都反唐以王晏球為招討使會師討之都以重賂求援于契丹契丹主遣奚

圖哩塔拉以萬騎赴之晏球與戰于定州都及塔拉大敗僵尸蔽野都塔拉僅以身免盧龍節度使趙德

釣邀其潰卒殆無子遺既而契丹復遣特哩衮尼嚕古都統扎拉帥衆援塔拉晏球逆戰復大破之殺塔拉獲尼嚕古扎拉等數十人餘衆散投村落村人以白挺擊之其得脫者不過百人自是契丹阻氣不敢輕用師以

犯唐境

六月契丹行色克色哩禮

契丹自約尼氏呼蘭汗制祭山儀蘇汗制

色克色哩儀蘇爾威汗制柴冊儀再生儀情樸用儉色克色哩儀禱雨之祭也冬十二月契

丹以遼陽為南京

命耶律伊濟遷東丹民以實之

己丑

唐天成四年凡五國三鎮

秋九月契丹主祀木葉山

木葉山在永州西界

潢河北界土河始祖奇善汗之廟居其上故凡有事則必先以白馬青牛告之契丹主行再

生禮

契丹之俗凡十二歲其主本命前一年初度之辰行再生儀以祀其先示不敢忘本也

庚寅

唐長興元年凡五國三鎮

春三月契丹主以其弟魯呼為太弟

魯呼舒魯后之幼子也

冬十一月契丹人皇王貝自東丹奔唐

以為懷化軍節度使賜姓名曰李贊華

人皇王既失職居于東丹

建書樓于西宮作樂田園詩唐主聞之遣使浮海持書密召之倍因畋于海上唐使又至倍謂左右曰我  
以天下讓主上今反見疑而使晉寧來撫慰我其  
危哉不如適他國以成泰伯之名遂立木海上刻詩  
曰小山壓大山大山全無力羞見故鄉人從此投外  
國乃載書帥其部曲四十人浮海奔唐唐賜姓名曰  
李贊華以莊宗妃夏氏妻之  
使為懷化節度使鎮滑州焉

辛卯

唐長興二年凡五國三鎮

夏四月契丹立中臺省于遼陽

壬辰

唐長興三年  
凡五國三鎮

癸巳

唐長興四年  
凡五國三鎮

春二月唐定難節度使李仁福卒子

彛超嗣

甲午

唐主從珂清泰元年  
凡五國三鎮

秋九月契丹主寇唐雲武州

乙未

唐清泰二年  
凡六國三鎮

春二月唐定難節度使李彛超卒弟

彛殷嗣

丙申

晉高祖石敬瑭天福元年  
是歲晉代唐凡六國三鎮

夏五月唐河東節度使

石敬瑭反招討使張敬達討之敬瑭乞師于契丹秋

八月契丹主赴太原九月敬達及契丹主戰于汾曲  
敗績走晉安契丹圍之唐主自將救晉安次于懷州

石敬瑭素與唐主不相能在鎮陰為自全之計累表  
乞解兵柄以嘗唐主之意唐主移敬瑭鎮鄆州以張  
敬達為西北都部署趣敬瑭赴鎮敬瑭疑懼掌書記  
桑維翰曰明宗遺愛在人主上以庶孽代之羣臣不  
附公明宗之愛婿今主上以反逆見待此非首謝可  
免但力為自全之計契丹主素與明宗約為兄弟公  
誠能推心屈節事之朝呼夕至何患不成敬瑭乃上  
表言唐主養子不應承祀請傳位許王從益唐主遂  
削奪敬瑭官爵以張敬達為太原四面兵馬都部署  
楊光遠副之敬瑭令桑維翰草表稱臣于契丹主且  
請以父禮事之約事捷之日割盧龍一道及鴈門關  
以北諸州為謝劉知遠諫曰稱臣可矣以父事之太



過厚以金幣賂之自足致其兵不必許以土田恐異  
日大為中國之患悔之無及敬瑭不從遣趙瑩往桑  
維翰繼之契丹主得表大喜遣蕭轄里報書期以仲  
秋傾國赴援張敬達之師至晉陽築長圍以攻之八  
月契丹主將騎五萬自陽武谷而南九月至晉陽陳  
于虎北口先遣人謂敬瑭曰吾欲今日即破敵可乎  
敬瑭遣人馳報曰南軍甚厚請俟明日使者未至契  
丹已與唐騎將高行周符彥卿合戰敬瑭乃遣劉知  
遠出兵助之張敬達揚光遠以步兵陳于城西北山  
下契丹遣輕卒三千騎不被甲直犯其陣唐兵逐之  
至汾曲契丹伏兵起衝唐兵斷而為二縱兵乘之敬  
達等大敗死者近萬人敬達等收餘衆走保晉安契  
丹亦引兵歸虎北口是夕敬瑭率其僚屬出見契丹  
主問曰皇帝遠來士馬疲倦遽與唐戰而大勝何也  
契丹主曰始吾謂唐必斷鴈門諸路伏兵險要則吾  
不可得進矣使人偵伺皆無之吾是以長驅深入知

大事必濟也。兵既相接，我氣方銳。若不乘此急擊之  
曠日持久，則勝負未可知矣。此吾所以亟戰而勝不  
可以勞逸常理論也。敬瑭歎服，引兵會圍晉安寨。置  
營于晉安之南，長百餘里，厚五十里，多設鈴索，吠犬  
人跬步不能過。敬達等士卒猶五萬人，馬萬匹。四顧  
無所之遣使告敗。唐主大懼，遣符彥饒將兵屯河  
陽，詔天雄范延光屯遼州，盧龍趙德鈞由上黨趨團  
柏谷，與其子趙延壽合勢進擊耀州。潘環亦出兵會  
戰而下詔親征。遂發洛陽，唐主心憚北行，至河陽，率  
相盧大紀希旨言：「國家根本在河南，敵兵倏來，忽往，  
不能久留。」晉安大寨甚固，況已發三道兵救之。河陽天  
下津要，車駕宜留此鎮撫。南北且使近臣往督戰，苟  
不能解圍，進亦未晚。唐主從之，乃遣樞密使趙延壽  
將兵二萬如潞州。唐主次于懷州，以晉安為憂。日夕  
酣飲悲歌，羣臣或勸其北行，則曰：「卿勿言。」  
冬十一月，石郎使我心膽墮地，然精騎猶三萬也。

唐行營都統趙德鈞降于契丹契丹不受

盧龍節度使趙德鈞

陰蓄異志欲因亂取中原乃請將騎由土門西入以解晉安之圍唐主許之以德鈞為諸道行營都統德鈞合趙鎮澤潞之兵而進與其子延壽遇于西陽遂併兵北屯團柏谷口欲倚契丹以成己志乃密以金帛賂契丹主云若立己為帝請即以見兵南平洛陽與契丹約為兄弟仍許石氏常鎮河東契丹主自以深入敵境晉安未下德鈞兵尚強又以范延光在其東且恐山北諸州邀其歸路欲許德鈞之請然已許立石敬瑭敬瑭聞之大懼亟使桑維翰說契丹主曰趙北平父子素蓄異志非以死徇國之人何足可畏而信其誕妄之辭貪其毫末之利棄垂成之功乎且使敬瑭得天下將竭中國之財以奉大國豈此小利之比乎契丹主曰吾非有渝前約也但兵家權謀不得不爾維翰曰皇帝以信義救人之急四海之人俱

屬耳目奈何一旦二三其命使大義不終臣竊為皇帝不取也跪于帳前自旦至暮涕泣爭之契丹主乃指帳前石謂德鈞使者曰我已許石郎此石爛可改也契丹主立石敬瑭為晉

皇帝

十月甲子契丹主封石敬瑭為晉王幸其府丁卯契丹主召敬瑭至帳中命之坐從容謂曰吾

三十里來赴難一戰而勝殆天意也觀汝器貌識量真中原之主吾欲立汝為天子敬瑭辭讓不許契丹主令有司設壇晉陽備禮策命十一月丁卯月唐楊光酉策敬瑭為大晉皇帝親解衣冠授之

遠殺招討使張敬達以眾降于契丹

晉安被圍八十餘日唐高行周

符彥卿等數敗內外隔絕易糧俱盡至濯馬翼屑木以飼馬馬飢至自相啖其鬃尾死則以充食楊光遠等勸敬達出降敬達曰吾受明宗及今上厚恩為元帥而軍敗其罪已大况降敵乎今援兵旦暮且至當

侯之若必力盡勢窮諸君斬我出降未為晚也閏月甲子諸將旦集光遠斬敬達首帥諸將降于契丹契丹主嘉其忠謂左右曰凡為人臣當如此也命以禮葬而祭之焉

契丹主以晉主敬

唐南下唐師潰於團柏唐主還河陽趙德鈞降於契

丹

契丹主與晉主南下命晉主兄子重貴守太原以契丹將高模翰為前鋒至團柏唐趙德鈞趙延壽

先遁諸將繼之士卒大潰死者萬計唐主聞晉主已立楊光遠等復降用李崧策引眾南還至河陽命諸將分守南北城契丹主至潞州趙德鈞延壽及判官張礪迎謁于高河契丹鎖德鈞延壽送歸國德鈞見舒嚕太后后問曰汝近者何為往太原德鈞曰奉唐主之命后指天曰汝從吾兒求為天子何妄語耶又自指其心曰此不可欺也又曰吾兒將行吾戒之曰趙大王若引兵北向渝關亟須引歸太原不可救也

汝欲為天子何不先擊退吾兒徐圖亦未晚汝為人臣既負其主不能擊敵又欲乘亂邀利所為如此何面目復求生乎德鈞俯首不能對踰年而死

**契丹主次於潞州晉主敬瑄**

**以契丹師南下**

契丹主次于潞州其臣勸還國契丹主乃遣晉主趨洛舉酒屬之曰我若

南向河南之人必大驚駭汝宜自引漢兵南下我且迴離畢將五千騎送汝至河梁臨別謂晉主曰我且留此俟汝音問有急則下山救汝若洛陽既定吾即北反矣因泣曰世世子孫勿相忘又曰劉知遠趙瑩桑維翰皆創業功臣無大故勿棄也

**唐主還洛陽**

符彥饒張彥珣言于唐主從珂曰今敵兵

大下河水復淺人心已離此不可守唐主命河陽節度使萇從簡守河陽南城遂斷浮梁歸洛晉主至河陽從簡具舟揖迎降之

**唐主殺李贊華**

唐主至洛知事窮蹙召李贊華同死贊華不從

唐主遣李彥紳就其第殺之

唐主自焚死晉主敬瑭入洛陽追廢

唐主為庶人

唐主議復向河陽將拔皆已飛狀迎晉主矣晉主慮唐主西奔遣契丹千騎扼

澠池唐主與曹太后劉皇后雍王重美及宋審虔等攜傳國寶登玄武樓自焚皇后欲燒宮室重美諫曰新天子至必不露居他日重勞民力死而遺怨將安用之乃止王淑妃與許王從益匿于毬場獲免是日晚晉主入洛陽唐兵皆解甲待罪晉主命劉知遠部署京城知遠命漢軍還營館契丹軍于天宮寺城上肅然無敢犯令十二月契丹主自潞州北歸晉主追廢唐主為庶人十二月契丹主自潞州北歸契丹主命收其士卒戰沒者瘞之汾水上以為京觀桑維翰為文紀之十二月辛卯聞晉主入洛遣郎君嘉哩德撫問遂帥眾北歸明年正月至臨潢

丁酉

晉天福二年凡六國三鎮

夏六月晉使聶延祚請上尊號于契

丹契丹主不許。高麗侵新羅百濟降之。

於是東方諸國皆附

高麗有二京六府九節度百二十郡云

戊戌

晉天福三年契丹會同元年

秋七月契丹冊晉主為英武明義

皇帝

三月晉復遣使請上尊號于契丹契丹主許之七月契丹主使其中臺省右相耶律蘇呼特爾格

使晉冊晉主為英武明義皇帝

冬十一月晉主使馮道上尊號于契

丹契丹大赦改元

九月晉主遣守司空馮道左散騎常侍韋勳上契丹舒魯太后尊號

曰廣德至仁昭烈崇簡應天皇太后左僕射劉煦右諫議大夫盧重上契丹主尊號曰睿文神武法天啓



運明德章信至道廣敬昭孝嗣聖皇帝十一月契丹主御宣政殿受之因大赦始改元會同晉主事契丹甚謹奉表稱臣謂契丹主為父皇帝每契丹使至即於別殿拜受詔敕歲輸金帛三十萬之外吉凶慶弔歲時贈遺相繼于道乃至太后元帥太子諸王大臣皆有賂遺小不如意輒加責讓多不遜語朝野咸以為恥而晉主事之曾無倦意其後契丹主屢止晉主上表稱臣但令為書稱兒皇帝如家人之禮云

晉使趙瑩歸幽薊瀛莫涿檀順媯儒新武雲應朔懷

蔚十六州于契丹

契丹主改新州為奉聖州武州為歸化州

契丹以臨潢

為上京幽州為南京遼陽為東京

契丹主既得晉賂十六州之地乃更

以皇都為上京臨潢府升幽州為南京折津府更南京遼陽府為東京契丹之制居有宮衛謂之鄂爾多

出有行營謂之巴納分鎮邊圉謂之部族有事則以  
攻戰為務閒暇則以畋漁為生其地盡有大漠浸包  
長城之境故秋冬違寒春夏避暑隨水草就弋獵春  
巴納曰鴨子河濼在長春州夏巴納無常所而吐兒  
山為多在慶州秋巴納曰伏虎林在永州冬巴納曰  
廣平定在永州蓋其俗重鵠每獲鵠必祭天故巴納  
多擇河濼之地焉 契丹始定官名以漢官 契丹以趙延壽

為南京留守

總山南事

己亥

晉天福四年  
凡六國三鎮

秋八月晉初歸幣于契丹

帛三十萬  
匹歲以為

常

庚子

晉天福五年  
凡六國三鎮

春三月契丹主如幽州

契丹主如南  
京至燕備法

駕入自拱宸門御元和殿行入閣  
禮晉遣揚端問起居六月還臨潢

辛丑

凡晉天福六年

春二月晉使楊彥詢如契丹契丹執

之

晉成德節度使安重榮恥臣契丹見其使者必箕踞慢罵或潛遣人殺之契丹以為讓晉主遣楊彥

詢往遞謝且言重榮跋扈狀契丹留之不遣

晉成德節度使安重榮執契

丹行人伊喇

遣使誘吐谷渾額爾奇木蘇等叛契丹而

附晉上表於晉主言吐谷渾兩突厥契苾沙陀各帥部衆歸附党項等亦納契丹告牒稱為契丹凌暴願自備十萬衆與晉共擊契丹陛下屢敕臣承奉契丹勿自起釁端其如天道人心難以違拒願早決計表數千言大抵斥晉主父事契丹竭中國以媚無厭之敵又為書遣朝貴及移藩鎮云已勒兵必與契丹決

戰晉主患之乃以劉知遠為北京留守而自如鄴都  
以詔諭安重榮曰吾因契丹得天下爾因吾致富貴  
吾不敢忘德爾乃忘之邪今吾以天下臣之爾欲以  
一鎮抗之不亦難乎宜審思之無取後悔重榮得詔  
愈驕冬十月晉安重榮反伏誅十二月契丹歸楊彥詢

于晉

重榮聞晉主在鄴遂與山南東道節度使安從  
進發兵反晉主以杜重威為招討使討之重榮

敗斬其首函之以獻于契  
丹契丹乃歸楊彥詢于晉

壬寅

晉主重貴天  
年凡六國三

鎮福七

夏六月晉主敬瑭殂兄子重

貴立

安重榮之將  
契丹及劉知

反也誘吐谷渾酋長白承福等叛  
遂為北京留守以重賂招承福降

之遣其眾于嵐石  
遣使讓晉以招納

叛降晉主憂悒成疾而殂馮道與

馬步都虞候景延廣議舍晉主子重睿而奉敬  
瑋兄敬儒之子重賁即位遣使告哀于契丹 秋七

月晉使梁言如契丹

契丹遣使弔祭于晉晉主遣金吾衛大將軍梁言判四方館事

朱崇節往謝大臣議奉表稱臣景延廣請致書稱孫  
李崧曰陛下如此他日必躬擐甲胄與契丹戰於時  
悔無益矣延廣固爭馮道依違其間晉主卒從延廣議 八月晉執契丹行人喬

榮旣而歸之

晉梁言至契丹契丹主怒其不稱臣遣客省使喬榮讓之景延廣因說晉主囚

榮于獄大臣皆言契丹不可負乃釋榮慰賜而歸之  
榮辭延廣延廣大言曰歸語爾主先帝為北朝所立  
故稱臣奉表今上乃中國所立所以降志於北朝者  
正以不敢忘先帝盟約故耳為鄰稱孫足矣無稱臣  
之理翁恕則來戰孫有十萬橫磨劍足以相待他日  
為孫所敗取笑天下母悔也榮欲為異時據驗乃曰

公所言頗多懼有遺忘願記之紙墨延廣命吏書其語以授之榮還具以白契丹主契丹主大怒政事令趙延壽謀欲代晉帝中國因力勸南伐契丹主然之自是晉使如契丹者皆繫之侍中桑維翰屢請遜辭以謝契丹每為延廣所沮晉主以延廣有定策功寵冠羣臣又總宿衛兵故大臣莫能與之爭劉知遠鎮河東知延廣必致寇而不敢言但益募兵以備契丹

癸卯

晉天福八年凡七國三鎮

春二月晉主如大梁

晉主聞契丹將南伐乃還東京

然猶問  
遺不絕

冬十二月契丹趙延壽帥師伐晉

晉平盧節度楊光遠

有憾于晉主遣人密告于契丹曰晉饑若伐之一舉可克也趙延壽復勸之契丹主如南京命趙延壽趙延昭安圖嘉哩等帥眾五萬由滄恒易定分道伐晉謂延壽曰若得晉當立汝為帝延壽深信之為之盡

力契丹主  
自將繼進

甲辰

晉開運元年  
凡六國三鎮

春二月契丹主伐晉晉主禦之三月

契丹師還夏四月晉主還大梁貶景延廣為西京留

守

三月趙延壽延昭次任丘安端入鴈門圍忻代延壽既入貝州契丹主授延壽魏博等州節度使封

魏王帥所部屯南樂晉以高行周為都部署將兵禦之且遣使請修舊好契丹主復書曰已成之勞不可改也若必欲如故宜割河北諸州及遣桑維翰景延廣來議之於是晉主自將以景延廣為御營使遂發大梁時用兵方畧號令皆出景延廣延廣乘勢使氣陵侮諸將雖天子亦不能制契丹主次于元城晉主次于澶州二月契丹攻博州降之楊光遠密道契丹之師自馬家口濟河晉降將周儒引契丹將滿達營

于河東攻鄆州北津以應楊光遠晉遣李守貞皇甫  
遇梁漢璋薛懷讓將兵萬人緣河水陸俱進至馬家  
口滿達戰敗死者萬餘遂西退三月趙延壽延昭率  
騎數萬攻高行周于威城契丹主繼之分左右翼以  
進行周與戰自午至晡互有勝負契丹主復以勁騎  
突晉中軍晉主出陣待之契丹主望見晉師之盛謂  
左右曰楊光遠言晉軍半已餒死今何多也以精騎  
左右畧陣晉師不動萬弩齊發飛矢蔽天契丹稍却  
兩軍死者不可勝計至暮契丹主以人馬飢疲所向  
無功乃引還契丹帳中小校亡入晉師言契丹已傳  
木契收軍北去延廣疑有詐閉壁不敢追契丹所過  
焚掠民物殆盡四月晉主還大梁延廣既為上下所  
惡晉主亦憚之桑維翰疏其罪出為西京留守延廣  
留守延廣鬱鬱不得志日夜縱酒而已

秋七月晉

使張暉奉表乞和于契丹契丹執之

自是晉之使遂絕晉以



桑維翰爲中書令兼樞密使

或謂晉主曰陛下欲禦北敵安天下非桑維翰

不可乃罷馮道而用維翰事無大小悉以委之維翰既相一制指揮節度使十五人會兵以備契丹無敢

違者時人服其膽畧

冬十二月契丹主伐晉

十一月契丹主徵諸部兵會于溫榆

河北十二月伐晉趙延壽引兵先進契丹主以大軍繼之圍恒州下九縣遂建牙于元氏晉遣張從恩馬

全節安審琦趙在禮屯鄴都以備之憚契丹之盛不敢往晉主詔從恩稍却於是衆皆恟懼無復部伍委

棄器甲所過焚掠北至相州不能復整尋詔在禮還屯澶州全節還鄴都景延廣守胡梁渡張彥澤屯黎

陽晉以折從遠爲府州團練使

初晉割地賂契丹府州與馬會契丹欲盡

徙河西之民以實遼東州人大恐刺史折從遠雲中大族也因保險拒之及晉與契丹絕從遠引兵深入

其境拔勝州及  
十餘寨故命之

乙巳

凡晉開運二年  
五國三鎮

春三月晉及契丹戰于白團衛村契

丹主敗走晉主還大梁

正月契丹分兵攻邢洺磁州  
殺掠殆盡入鄴都境張從恩

馬全節安審琦悉兵陳於相州安陽水之南皇甫遇  
與慕容彥超將千騎前覘契丹至鄴都遇契丹數萬  
遇等且戰且却至榆林店契丹大至二將謀曰吾屬  
今走死無遺矣乃止布陣自午至未力戰百餘合相  
殺傷甚衆遇馬斃步戰其僕杜知敏以所乘馬授之  
戰稍却顧知敏已為契丹所擒遇曰知敏義不可棄  
也與彥超躍馬入陣取知敏而還俄而契丹繼至二  
將曰吾屬勢不可走以死報國耳日且暮安陽諸將  
怪覘兵不還審琦引騎兵出將救之從恩曰敵衆猥  
至盡吾軍恐未足以當之公往何益審琦曰成敗天

也萬一不濟當共受之借使敵不南來坐失皇甫太師吾屬何顏以見天子遂踰水而進契丹解去遇等乃得還契丹亦引軍退其衆自相驚曰晉軍悉至矣時契丹主在邯鄲間之即時北還不再宿至鼓城從恩等議曰契丹傾國而來吾兵少糧盡死無日矣不若引軍就黎陽倉南倚大河以拒之可以萬全議未決從恩引兵先發諸軍繼之擾亂失亡不可勝計留步兵五百守安陽橋夜四鼓知相州事符彥倫曰比夕紛紜人無固志五百敝卒安能守橋即召入乘城為備至曙望之契丹數萬騎已陣於安陽水北彥倫命城上揚旗鼓譟約束契丹不測踰水環州而南聞張彥澤兵至乃引北還馬全節不敢追既而全節等言敵衆不多宜乘其散歸種落大舉徑襲幽州晉主以為然徵兵諸道下詔親征遂發大梁行至澶州全節等諸軍以次北上劉知遠聞之曰中國疲敝自守恐不足乃橫挑強敵勝之猶有後患況不勝乎三月

杜威等諸軍會于定州攻契丹泰州降之取滿城獲契丹二千人取遂城趙延壽部曲有降者言契丹主還至虎北口聞晉取泰州復擁衆南向約八萬餘騎計來日入夕當至杜威等懼退師至陽城契丹大至晉師與戰逐北十餘里契丹踰白溝而去晉軍結陣而南胡騎四合如山諸軍力戰拒之人馬飢乏至白團衛將埋鹿角為行寨契丹圍之數重奇兵出寨後絕糧道是夕東北風大起營中掘井輒崩人馬俱渴至曙風甚契丹主坐奚車中命鐵鷄軍四面下馬拔鹿角而入奮短兵以擊晉軍又順風縱火揚塵以助其勢軍士皆憤怒大呼曰都招討使何不用兵令士卒徒死諸將請出戰杜威曰俟風稍緩徐觀可否李守貞曰彼衆我寡風沙之內莫測多少惟力鬪者勝此風乃助我也若俟風止吾屬無類矣即呼曰諸軍齊擊賊又謂威曰令公善守禦守貞以中軍決死矣馬軍排陣使張彥澤召諸將問計皆曰敵得風勢宜

候風回與戰彥澤亦以為然右廂副使藥元福謂彥澤曰今軍中飢渴已甚若俟風回吾屬已為擄矣敵謂我不能逆風以戰宜出其不意急擊之此兵之說道也都排陣使符彥卿曰與其束手就擒曷若以身殉國乃與元福彥澤及皇甫遇引精騎出西門擊之諸將繼至契丹却數百步風勢益甚昏晦如夜彥卿等擁萬餘騎橫擊契丹呼聲動天地契丹大敗而走勢如崩山守貞亦令步兵盡拔鹿角出鬪步騎俱進逐北二十餘里鐵鷄軍既下馬蒼黃不能復上委棄馬仗蔽地契丹主乘奚車走十餘里追兵急獲一橐駝乘之而去諸將請急追之杜威揚言曰逢賊幸不死更索衣囊耶守貞曰人馬渴甚得水足重難以追寇乃退保定州四月契丹主至幽州散兵稍集以失利杖其諸將戰不力者各數百晉諸軍引歸晉主還

大秋七月晉使孟守中奉表乞和于契丹

桑維翰屢勸晉主復

和親契丹以紆國患晉主從之乃遣孟守中奉表稱臣詣契丹謝過時契丹連歲伐晉人畜多死國中怨之舒嚕太后謂契丹主曰使漢人為北主可乎曰不可后曰然則汝何故欲為漢主契丹主曰石氏負恩不可容后曰汝今雖得漢地不能居也萬一蹉跌悔何所及又謂其羣下曰漢兒何得一向眠自古但聞漢和蕃不聞蕃和漢漢兒果能回意我亦何惜與和及晉使至契丹主曰使景延廣自來仍割鎮定兩道隸我則可不然不能也晉君臣以契丹語忿無和意乃止及契丹後八大梁謂李崧等曰向使晉使再來則南北不復戰矣

冬十二月晉桑維翰罷○高麗王王建卒子

武立

高麗自唐末中原多故始自立高氏為王唐長興中王建承高氏之位權知國事唐封建為高

麗國王朝貢不替至是建卒子武嗣為國王

丙午

晉開運三年凡五國三鎮

秋八月契丹主伐晉圍恒州

契丹徵諸部兵

會于棗林淀遂將而南十一月進圍恒州

冬十月晉使都招討使杜威會

師擊契丹十二月威叛以衆降于契丹

先是有自幽州來者言趙

延壽有歸晉意樞密使李崧宰相馮玉信之命天雄節度使杜威致書延壽啖以厚利延壽復書乞發大軍應接辭旨懇密李崧等欣然復遣人詣延壽與為期約於是契丹使其瀛州刺史劉延祚遺樂壽監軍王繼書請舉城內附云城中契丹不滿千人乞朝廷發輕騎來襲已為內應契丹主已歸牙帳地遠阻水不能救也繼與杜威因屢奏瀛莫乘此可取馮玉李崧信以為然欲發大兵迎趙延壽及劉延祚遂請于晉主以杜威為都招討使李守貞副之中書令趙瑩謂李崧馮玉曰杜令國之貴戚位兼將相而所欲未

厥心常懔懔豈可復加以兵權必若有事于北方不若止任守貞為愈也不從十月晉主下敕勝曰專發大軍往平契丹先取瀛莫安定關南次復幽燕盪平塞北有能擒獲其主者除上鎮節度使賞錢萬緡絹萬匹銀萬兩時積雨半載軍行及饋運者甚艱若杜威李守貞會兵于廣晉禁軍皆從宿衛空虛十一月至瀛州城門洞啓寂若無人威等不敢進契丹主在恒州聞之遣精兵斷河橋杜威等退保武強契丹遣南院大王達罕將軍高模翰分兵由瀛州間道以進杜威遣貝州節度使梁漢璋帥眾二千拒之與模翰戰敗死杜威乃以張彥澤為前鋒引兵據中渡橋趙延壽高彥溫以步騎前後乘之指揮使王清言于杜威曰請以步卒為前鋒奪橋開道公帥諸軍繼之得入鎮州則無憂矣威乃遣清與宋彥筠同進清戰甚銳契丹小却諸將請以大軍繼之杜威不從彥筠戰敗遂走王清獨帥麾下力戰屢請救兵威不許清謂



其衆曰上將握兵坐觀吾輩困急而不救此必有異志吾輩當以死報國耳衆感其言莫有退者至暮戰不息契丹以新兵繼之清及士衆盡死諸軍皆奪氣杜威等遂與契丹夾濬沱而軍築壘為持久之計威性懦怯偏裨皆節鎮但日相承迎置酒作樂罕議軍事契丹以大兵當晉軍之前潛遣蕭翰將百騎出晉軍之後斷晉糧道及歸路樵采者遇之盡為所掠有逸歸者皆稱敵衆之盛軍中恟懼翰獲晉民皆黥面曰奉敕不殺縱之南走軍夫在道遇之皆棄車驚潰杜威請益兵詔悉發守宮禁者得數百人赴之威又遣使告急還為契丹所獲自是朝廷與軍前聲問兩不相通開封尹桑維翰以國家危在旦夕求見言事晉主方在死中調鷹辭不見又詣執政言之執政不以為然退謂所親曰晉氏不血食矣晉主欲自將北征宣徽使李彥韜諫止之乃詔高行周符彥卿共戍澶州景延廣戍河陽契丹遙以兵環晉營軍中食盡杜

威與李守貞宋彥筠謀降契丹乃先遣詣契丹主牙  
帳邀求重賞契丹主給之曰趙延壽威望素淺恐不  
能帝中國汝果降者當以汝為之威喜遂定降計伏  
甲召諸將出降表使署名諸將駭愕聽命命軍士出  
陣於外軍士皆踊躍以為且戰威親諭之曰今食盡  
途窮當為汝曹共求生計因命釋甲軍士皆慟哭聲  
振原野威守貞仍於衆中揚言主上失德信任奸邪  
猜忌於已聞者莫不切齒十二月丙寅契丹主遣趙  
延壽衣赭袍至晉營慰撫士卒亦以赭袍衣杜威其  
實皆戲之耳契丹主擁騎數萬臨大阜立馬受杜威  
等降閱其衆凡二十萬授杜威守太傅鄴都留守李  
守貞天平節度使餘各領舊職分降卒之半付杜威  
半隸趙延壽復以晉降將孫方簡為義武節度使滿  
達為安國節度使契丹翰林學士承旨張礪言于契  
丹主曰今契丹始得中國宜以中國人治之不宜用  
國人及左右近習苟政令乖失則人心不服雖得之

猶將失之不聽

契丹主南下使晉降將張彥澤入大梁晉主

重貴降彥澤幽晉主殺桑維翰

契丹主引兵南下杜威等將降兵以從契

丹主遣晉都排陣使張彥澤及其御史大夫耶律解里監軍傅柱兒將騎二千持詔先赴大梁諭晉主降彥澤倍道疾驅夜渡白馬津晉主召李崧馮玉李彥韜入禁中計事欲召劉知遠入援明日彥澤自封丘門斬關而入城中大擾晉主於宮中起火自攜劍驅後宮赴火為親軍將薛超所持俄而彥澤傳契丹主與李太后書慰撫之且召桑維翰景延廣晉主乃命滅火與后妃聚泣召范質草降表自稱孫男臣重貴禍至神威運盡天亡今與太后及妻馮氏舉族面縛待罪遣男廷煦廷寶奉國寶出迎太后亦上表稱新婦李氏妾傅柱兒入宣契丹主命晉主脫黃袍服素衫拜受左右皆掩泣使召張彥澤欲與計事彥澤微

笑不應或勸桑維翰逃去維翰曰吾大臣逃將安之坐而俟命彦澤以晉主命召維翰維翰至天街遇李崧駐馬語未畢有軍吏於馬前揖維翰赴侍衛司維翰知不免顧謂崧曰侍中當國今日國亡反令維翰死之何也崧有愧色維翰至彦澤以兵守之彦澤縱兵大掠二日都城為之一空彦澤自謂有功于契丹旗幟皆題赤心為主見者笑之彦澤還晉主于開封府頃刻不得留見者流涕晉主悉以內庫金珠自隨彦澤曰此物不可匿也晉主悉歸之亦分以遺彦澤彦澤遣指揮使李筠以兵守晉主內外不通上契丹主表章皆先示彦澤然後敢發使取內庫帛主者不與曰此非帝物也求酒于李崧崧亦辭不進又欲見李彦韜彦韜亦不往馮玉佞彦澤求自送傳國寶翼契丹復任用廷煦之母有美色彦澤使人取之彦澤殺桑維翰以帶加頸白契丹主云其自經契丹主命厚撫其家壬午契丹主次赤岡賜晉主詔曰孫勿憂必使

汝有噉飯之所又以所獻傳國寶非真詰之晉主奏  
頃王從珂自焚舊國寶不知所在此寶先帝所為羣  
臣備知乃止有司欲使晉主銜壁牽羊大臣輿攬迎  
于郊外契丹主曰吾遣奇兵取大梁非受降也不許  
又詔晉文武羣僚一切如故朝廷制契丹執晉景延  
度並用漢禮改館晉主于封禪寺

廣以歸延廣自殺

契丹主遣將軍康祥以兵趣河陽  
捕景延廣執之契丹主以牙籌數

其八罪且詰之曰致兩主失歡皆汝所為十萬橫磨  
劍安在延廣不服契丹主召喬榮使相辨證因以紙  
所記語示之延廣伏地請死契丹主命  
鎧之先送歸國夜宿陳橋延廣扼吭死

丁未

漢高祖劉知遠天福十二年○遼大同元年九月  
世宗阮天祿元年○是歲晉亡漢代契丹改國號

遼凡五  
國三鎮

春正月丁亥朔契丹主德光入大梁行朝賀

禮

正月丁亥朔晉百官遙辭晉主于城北乃易素服紗帽迎契丹主于封丘門外伏路請罪契丹主不

忍臨視撫慰遣之遂備法駕入大梁民皆驚走契丹主遣使諭之曰我亦人也汝曹勿懼會當使汝曹蘇息我無心南來漢兵引我至此耳至明德門下馬拜而後入遂御崇元殿受賀日暮復出屯於赤岡云

契丹誅張彥澤

晉閭門使高勲訴張彥澤以私憾殺其家人契丹主亦怒彥澤擅徙晉主

于開封府署殺桑維翰剽掠大梁遂與傅珠爾俱斬于北市仍命高勲監刑彥澤前所殺士大夫子孫皆經杖號哭詬罵以杖扑之勲命剖其心以祭死者市人爭破腦取髓鬻其肉而食之契丹降封

晉主重貴為負義侯遷之黃龍府

契丹主使人至封禪寺存問晉主及

太后甚至時雨雪連旬外無供億上下凍餒太后使其衛者謂寺僧曰吾嘗於此飯僧數萬今日獨無一

人相念耶僧辭以敵意難測不敢獻食晉主陰祈守者乃稍得食辛卯降封晉主重貴為崇祿大夫檢校太尉負義侯遣太子太保趙瑩太子少保馮玉及李彥韜將騎三百送晉主及李太后安太妃馮皇后高祖子重睿晉主子廷煦廷寶等于黃龍府安置在途供饋不繼或時絕食舊臣無敢進謁者獨磁州刺史李穀迎謁于路傾貲以獻晉主至中渡橋見杜威故寨歎曰天乎我家何負為此賊所破慟哭而去既出塞契丹無復供給至祖州令拜契丹太祖之墓晉主不勝屈辱泣曰薛超誤我馮后求毒藥欲與晉主俱自殺不果黃龍府渤海扶餘城也初契丹太祖滅渤海還次其地得疾見黃龍繚繞可長一里光耀奪目入于行帳是日

太祖殂故云

契丹以張礪為平章事晉李崧為樞

密使馮道守太傅劉煦守太保

契丹引兵入汴京諸門皆以契丹兵守衛

磔犬懸羊皮為厭勝謂晉羣臣曰自今不修甲兵不市戰馬輕賦省役天下太平矣改服中國衣冠百官皆如舊制以張礪為平章事礪與趙延壽共薦晉樞密使李崧會馮道自鄧州來朝契丹主素重二人乃以崧為太子太師充樞密使道守太傅於樞密院祗候又以晉故相劉煦守太保和凝為翰林學士晉諸藩鎮皆降于契丹

契丹主遣使以詔賜晉之藩鎮諸鎮爭上表稱臣惟彰義節度

使史匡威據涇州以拒契丹而雄武節度使何重建以秦階成降蜀契丹縱兵大掠遣

使括借士民錢帛

契丹廣受四方貢獻縱酒作樂趙延壽請給上國兵食契丹主曰吾

國無此法乃縱兵士四出剽掠謂之打草穀丁壯斃於鋒刃老弱委於溝壑自東西兩畿及鄭滑曹濮數百里間財富殆盡契丹主謂判三司劉煦曰契丹兵應有優賜速宜營辦時府庫空竭劉煦請括借都



城士民錢帛又分遣使者數十人詣諸州括借皆逼以嚴誅人不聊生其實無所頒給皆蓄之內庫欲輦歸其國由是內外怨憤始

晉河東節度使北平王劉

患苦契丹皆思逐之矣

知遠遣使奉表于契丹

晉主與契丹結怨知遠有步騎五萬坐視不救及聞晉亡

乃分兵守四境遣客將王峻奉表稱臣于契丹主契丹主賜詔褒美親加兒字於知遠姓名之上仍賜以木拐契丹以優禮大臣如漢賜几杖之比既而知知遠觀望使謂之曰汝不事南朝又不事北朝意欲何所俟耶孔目官郭威言于知遠曰敵恨深矣王峻言契丹貪殘失人心必不能久有中國或勸知遠舉兵進取知遠曰用兵當隨時制宜今契丹新據京邑未有他變豈可輕動且觀其所利止於財貨財貨既足必將北去況冰雪已消勢難久留唐遣使如契丹乞宜待其去然後取之可以萬全耳

唐遣使如契丹乞

修復諸陵契丹主不許

南唐主環遣使賀契丹滅晉且請詣長安修復諸陵契丹

不許二月契丹主德光御崇元殿行入閣禮建國號曰

遼大赦改元以恒州為中京命趙延壽為大丞相中

京留守

契丹主召晉百官問曰中國之俗異於吾國吾欲擇一人君之如何皆曰海內羣情皆願

推戴皇帝二月丁巳朔契丹主服通天冠絳紗袍登正殿設樂縣儀衛于庭百官朝賀建國號大遼大赦改元大同禮畢服赭袍坐崇元殿百官行入閣禮以恒州為中京大同府趙延壽以契丹主負約心常快怏因李崧言于契丹主乞為皇太子契丹主曰吾於魏王雖割肌肉亦不愛但皇太子當以天子兒為之豈魏王所可為也乃命為大丞相樞密使中京留守而以張礪扣覲平章事

遼封唐郇公

李從益為許王

從益與其母王淑妃自洛會朝于汴契丹主拜淑妃曰吾嫂也因封從益為

許王復居洛

晉劉知遠稱皇帝于晉陽○遼以耿崇美為

昭義節度使高唐英為昭德節度使崔廷勲為河陽

節度使

分據晉要地也

三月遼以蕭翰為宣武軍節度使

初

置天威軍教習歲餘竟不可用悉罷之而無賴子弟不復肯復農業山林之盜自是而繁及契丹入汴縱兵士打草穀又多以其子弟及親信為節度刺史不通政事華人之狡猾者多往依其麾下教之妄作民不堪命於是所在相聚為盜多者數萬人少者不減千百盜陽賊帥梁暉偵知高唐英未至夜遣壯士踰相州城啓關納衆殺契丹數百據相州自稱昭德留後陝州將趙暉晉州將藥可儔潞州將高防皆殺其

節度使及契丹使者奉表降于劉知遠。澶州賊帥王瓊帥其徒圍節度使耶律隆郭特於牙城。遼主聞之懼。謂左右曰：「我不知中國之人難制如此。」乃遣泰寧安審琦武寧符彥卿等歸鎮。謂晉百官曰：「天時向暑，吾難久留。欲暫至上國省太后，乃以汴州為宣武軍，授舒魯太后兄子蕭翰為節度使。」

**遼主北歸**

遼主以晉主劉知遠既立，州鎮多附。因圖北還，乃先遣晉諸司僚吏、嬪御、宦寺、方技

百工、圖籍、歷象、石經、銅人、明堂刻漏、太常樂譜、諸宮縣、鹵簿、法物及鎧仗悉送上京。寧武都虞候武行德部送之。遼主謂宣徽使高勲曰：「吾在上國以射獵為樂，至此令人悵悵。今得歸死，無恨矣。」四月丙辰朔，發自汴州。馮道、李崧、和凝、李穀、徐台符、張礪等皆從。遂攻梁，暉於相州克之。悉殺城中男子，驅其婦女而北。留高唐、英守之。遺民僅七百人，而髡髻十餘萬。武行德行至河陰，與將士謀曰：「敵勢不能久，留中國不若

共逐其黨堅守河陽以俟天命之所歸者而臣之衆  
以為然即相與殺契丹監軍使會崔廷勲以兵送耿  
崇美之潞州行德遂乘虛入據河陽遣弟行友奉璫  
表詣太原晉主知遠以行德為河陽節度使契丹主  
之初入汴也請降者七十六州得戶百九萬百一十  
八未幾多叛還濟黎陽渡顧謂左右曰我此行有三  
失宜天下之叛我也縱兵打草穀一失也括遼主德  
民私財二失也不遽遣諸節度還鎮三失也

光卒于藥城兄子烏雲立于軍更名阮

戊辰遼主至高邑得疾丁

丑殂于藥城年四十六國人剖其腹實鹽數斗載之  
而北晉人謂之帝妃時舒魯太后及太弟魯呼壽安  
王珠魯皆留臨潢唯東丹王貝之長子永康王烏雲  
在軍中南院大王耶律吼北院大王耶律幹議欲奉  
之烏雲聞其謀密召五院額爾奇木耶律安圖問計安  
圖請從之會有自臨潢來者安圖因詐言太弟魯呼

死傳報軍中衆皆信之戊寅次于鎮陽吼幹奉烏雲  
即位柩前更名阮甲申次定州命天德朔古嘉哩等  
護柩先赴臨潢舒魯太后不哭曰待諸部寧一如故  
則葬汝矣初太祖殂于扶餘舒魯后殺從行大臣凡  
數十百人至是恐后復然故皆懼而奉阮云太宗撫  
定多方遠近向化建國號備法章釐庶務聞名實德  
政卓然為遼盛主故其世也境內作四京置六州軍  
城百五十有六縣二百九部族五十二屬國六十東  
漸于海西至于金山暨流沙北及于遼主阮至恒州  
臚胸河南以白溝為界幅負萬里焉  
執趙延壽以歸太宗之歿也趙延壽即日引兵入恒州自稱受遺詔令權知南朝軍國事  
遼主阮既即位延壽未之知也或說延壽曰契丹諸  
大人聚謀此必有變今漢兵不減萬人若不若先事圖  
之延壽不決下令以來月朔日於待賢館上事受文  
武官賀李崧以敵情不同事理難測延壽乃止遼主

至恒州召延壽及張礪等飲遼主妃素以兄事延壽從容謂曰妹自上國來寧欲見之乎延壽因與遼主入良久遼主出謂張礪等曰魏王謀反已鎖之矣遂以滿達為中京留守居恒州晉文武士卒悉留獨以後宮宦者教坊自隨勒兵歸國晉主知遠自太原南下遼崔延勳耿

崇美等皆棄城北走河南州縣悉復為晉○遼蕭翰

立唐許王李從益為帝于大梁遂帥其師北歸從益

避位以迎晉主六月晉主知遠殺之蕭翰在大梁聞晉主擁兵南下

遼將多棄城而去亦欲北遁恐中原無主必大亂已不得從容而去乃矯遼主命以唐明宗子許王從益知南朝軍國事召已赴恒州從益與其母王淑妃匿於徽陵下宮不得已而出翰立以為帝而去從益即

避位以迎晉主晉主命鄭州防禦使郭遼蕭翰殺其從義入大梁清宮密令殺從益及淑妃

平章事張礪于恒州

翰至恒州與留守滿達以兵圍張礪第礪方卧病出見之翰數

礪曰汝何故言於先帝曰國人不可為節度使我以國舅留守汴州汝又譖我與嘉里好掠人財物子女何也今必殺汝趣令鎖之礪抗聲曰此國家大體安危所繫吾實言之欲殺即殺矣以鎖為是夕恚憤而卒  
遼太后使其太弟魯呼帥師禦遼主阮遇于泰德

泉魯呼敗績

舒魯后間遼主阮自立怒遣太弟魯呼帥師拒之遼主至幽州聞之遣額爾奇木

安圖詳袞瑠格為前鋒遇魯呼于泰德泉魯呼戰敗走還

晉主知遠入大梁改國

號漢○秋閏七月遼太后自將禦遼主阮遇于橫渡



太后罷兵遼主入臨潢

魯呼敗還舒魯后乃親帥師禦遼主閏七月遼主次潢河

太后魯呼整兵陳于橫渡夾岸而軍特哩袞耶律烏哲言于后曰太弟永康王皆太祖子孫神器非移他族太后宜思長計后乃遣烏哲授書于遼主議和遼主初不從烏哲譬解之遼主良久曰若何而和烏哲曰與太后相見各紓忿恚而扣之不難不然決戰非晚遼主然之遣宣徽使耶律哈斯詣后約和往返數日議始定於是遼主與后相見交語責讓殊無和意屋質偕謁者籌執之謂后曰昔人皇王在何故立嗣聖后曰太祖遺旨烏哲又謂遼主曰大王何故擅立遼主曰人皇王當立而不立所以去之烏哲正色曰人皇王捨父母之國而奔唐子道當如是耶大王見太后不少遜謝惟怨是尋太后韋于偏愛託先帝遺命妄授神器如此何敢望和當速交戰執籌而退后泣曰向太祖遭諸弟亂天下荼毒創痍未起庸可再乎

乃索籌一遼主曰父不為而子為之又誰咎也亦取  
籌而執左右感激大慟后復謂烏哲曰議既定神器  
竟誰歸烏哲曰永康王順天合人復何疑魯呼在側  
怒曰我在烏雲安得立烏哲曰奈公酷暴失人心何  
且大王世嫡也誰敢爭之后顧魯呼曰昔我與太祖  
愛汝異於諸子諺云偏愛之子不保業我非不欲立  
汝汝自不能矣議遂定后罷兵遼主阮幽其祖母  
主遂入上京尊母蕭氏為太后

舒魯氏叔父魯庫于祖州

魯呼以不得立居常快怏舒魯后既鍾愛之因與謀

廢立遼主遂幽后及魯呼于太祖墓側

唐以留從効為清源軍節度

使

初閩指揮使朱文進與連重遇弒其主曦文進自稱閩主署其黨為刺史泉州散負指揮使留從効

謀興復王氏乃與仙遊人陳洪進等夜踰城劫庫兵殺刺史黃紹顥傳首于殷王延政及南唐滅殷取汀

建吳越亦取福州從効知王氏不復可輔乃以兵劫刺史王繼勳執之歸于唐自領漳泉留後唐即以泉州為清源軍授從効節度使閩中自是分為二矣從効出自寒微知人疾苦在郡專以勤儉養民為務自奉甚簡每言我素貧賤不可忘本民甚愛之部內安治王氏有二女嫁為郡人妻從効謹事之終身焉

晉故將何福進逐遼留守滿達以恒州歸漢漢以馮

道為太師

滿達貪滑殘忍民間有珍貨美女必奪取之又捕村民誣以為盜披面抉目焚炙而

殺之懸人肝膽手足飲食起居於其間遼所留兵不滿二千滿達常疑漢兵稍稍廢省又損其食以飼遼兵衆心怨憤聞漢主入大梁皆有南歸之志前潁州防禦使何福進控鶴指揮使李榮潛結軍中壯士謀攻遼兵奪守門兵殺十餘人因突入府據甲庫召漢兵及市人給鎧仗焚牙門與遼兵戰榮召諸將并力

指揮使白再榮狐疑不得已而行諸將繼至煙火四起鼓譟震地滿達等大驚載寶貨家屬走保北城而漢兵無所統一貪狡者乘亂剽掠懦者竄匿八月朔遼兵自北門入勢復振漢民死者二千餘人前磁州刺史李穀恐事不濟請馮道等至戰所慰勉士卒士卒爭自奮會日暮有村民數千譟于城外欲奪遼人寶貨婦女遼人懼而北遁滿達崔廷勳皆奔走定州與義武節度使耶律郎五合馮道等四出安撫兵民衆推道為節度使道曰我書生也宜擇諸將為留後遂以白再榮推知留後具以狀聞于漢主漢主以馮道為太師遣飛龍使李彥從將兵赴之再榮貪昧猜忌恒州人士苦之號曰白滿達云

九月遼

主行柴冊禮

九月壬子朔遼主葬太宗于懷陵丁卯行柴冊禮羣臣上尊號曰天授皇帝大

赦改元天祿遼主慕中華風俗多用晉臣而遼主追荒于酒色輕慢諸大人由是諸部多叛者矣

諡其考人皇王貝為帝封安圖為明王以主東丹人

王之見殺也有僧收瘞之晉高祖改葬以王禮遼太宗取而葬諸暨無間之山至是追諡曰讓國皇帝廟號

義宗而以安圖主東丹封明王

戊申

漢隱帝承祐乾祐元年○凡五國三鎮

春正月遼以韓延徽為南府

宰相

遼設北南二府宰相掌佐理軍國之大政北府則其宗姓世預其選南府則其外戚世居其職

非二者不輕命焉其北樞密院則掌兵機武選羣牧之政凡契丹軍馬皆屬之南樞密院則掌文銓部族丁賦之政凡契丹人民皆屬之所謂北衙不理民南衙不主兵也又改德呼勒部額爾奇木為北南二大王掌部族軍民之政此皆遼之宰相也至特哩衮二月漢主

治宗姓林牙掌文告又其貴近之職焉

二月漢主

曷殂子承祐立

曷即知遠也

三月遼滿達焚掠定州而去

孫方簡入城據之

遼義武節度使耶律隆鄂特懼華人為變與滿達焚掠定州悉驅其人棄

城北去前義武節度使孫方簡自狼山帥眾還據定州因以其弟行友方遇為易泰州刺史每遼兵南下方簡兄弟奔命遼人頗憚之由是晉末州縣陷于遼者皆復為漢有矣滿達至其國伏誅

冬十月

遼趙延壽死

己酉

漢乾祐二年凡五國三鎮

春二月遼遷故晉主石重貴於建州

晉李太后詣遼主請依漢人城寨之外給田耕桑以自贖遼主許之并晉主遷于建州未至安太妃卒于路遺令杖骨南向賜之既至建州得田五十餘頃令從者耕以給食頃之遼壽安王舒嚕遣騎取晉主寵

姬趙氏鼎氏  
二人以去  
冬十月遼主侵漢貝鄴深州

庚戌漢乾祐三年是歲漢亡春二月遼建政事省○秋八月故晉

太后李氏卒于遼后病無醫藥惟與晉主仰天號泣戰手罵杜威李守貞曰吾死不置

汝冬十月遼主侵漢遼主南伐攻下安平內丘東鹿等城大獲而去十一月

漢郭威弒其主承祐迎武寧節度使贊于徐州○漢郭威帥師伐遼至澶州威自立而還廢贊為湘陰公

○高麗王武卒子昭立

辛亥周太祖郭威廣順元年○北漢主劉昫乾祐四年遼穆宗璟應歷元年○是歲周代漢北漢建國○

凡六國  
二鎮

春正月郭威稱皇帝國號周○周主威弒湘

陰公于宋州○漢河東節度使劉崇稱帝于晉陽崇

父也贊既被弒崇乃稱帝仍用漢乾祐年號

二月周

有井汾忻代嵐憲隆蔚沁遼麟石十二州

使姚漢英如遼遼人執之以周用敵國禮也

夏六月漢主乞

師于遼遼遣使冊漢主崇為大漢神武皇帝

漢主遣其子承

鈞將兵伐周不克遂遣使稱姪乞援于遼遼主遣政

事令燕王德呼樞密使高勳冊漢主為大漢神武皇

帝漢主更名昺

秋九月遼泰寧王察克弒其主阮而自立壽

安王璟誅察克而代之

北漢主劉昺遣兵伐周遼主自將會之諸部不欲南行遼



主強之行至歸化州祭讓國皇帝于行宮羣臣皆醉  
明王安圖之子泰寧王察克作亂弑遼主而自立壽  
安王璟小字舒嚕太宗長子也避亂于南山耶律烏  
哲亟遣人召諸王及喻禁衛長皮室等同力討賊復  
遣弟冲迎璟璟猶豫不敢出烏哲曰大王嗣聖子賊  
若得之必不相容大王死羣臣將誰事耶璟悟乃會  
諸部討察克嚕而殺之璟遂即位是為天順皇帝改  
元應歷葬世宗于顯州西山以烏哲知國事北漢主  
昊復以叔父事之請兵以伐周世宗年少好遊戲冬  
每夜酣飲達旦乃寐日午方起國人謂之睡帝

# 十一月漢遼會師伐周圍晉州而去

遼遣兵五萬會  
北漢兵伐周漢

主自將兵二萬攻晉州三面置寨晝夜攻之周遣王  
峻帥諸軍救晉漢軍乏食會遼師聞峻至而遁漢主  
亦還峻入晉州遼師死者廿三四漢主始息意於進  
取漢土瘠民貧內供軍國外奉遼貢賦繁役重民不

聊生多逃  
于周境

壬子

周廣順二年  
凡六國二鎮

夏六月周侵漢遼救之。冬十一月

己卯日南至遼行拜日禮。十二月遼明王安圖卒

○周以折從阮為靜難軍節度使

鎮府州

癸丑

周廣順三年  
凡六國二鎮

夏六月遼太后舒嚕氏卒

諡貞烈  
葬祖陵

甲寅

周世宗榮顯德元年  
凡六國二鎮

春正月周主威殂晉王榮立

○二月漢主以遼師伐周三月及周主戰于高平漢

師敗績

北漢主間周太祖殂甚喜乞師于遼以伐周  
遼遣政事令耶律達魯將萬騎如晉陽漢主

自將三萬與遼兵趣潞州周主命馮道奉太祖梓宮  
赴山陵而自將禦之漢主陣于高平南周主與戰右  
軍潰周主急親犯矢石督之馬直軍使趙匡胤謂同  
列曰主危如此吾屬何得不致死乃與張永德各帥  
二千人進戰匡胤以身先士卒馳犯漢師士卒死戰  
無不一當百漢師披靡羣將棄勝而前漢師大敗達  
魯畏周之強不敢救全軍而退漢主帥其餘衆萬餘  
阻澗而軍周師薄之漢主復敗僵尸滿谷委棄御物  
輜重器械雜畜不可勝計漢主帥百餘騎晝夜北走  
所至得食未舉筋或傳周兵至輒倉皇而去衰老力  
憊殆不能支僅得入晉陽收散卒結甲兵完城周以  
璽以備周遣王得中送耶律達魯還遼且謝之周以

趙匡胤為殿前都虞候

匡胤涿郡人四世祖朮唐幽  
都令生珽唐御史中丞珽生

敬涿州刺史敬生弘殷周檢校司徒馬軍都指揮使  
弘殷娶杜氏生匡胤於洛陽夾馬營及長容貌雄偉

器度豁如識者知非常人漢初漫遊無所遇舍襄陽僧寺有老僧善術數顧之曰吾厚贖汝北往則有遇矣匡胤從之會周太祖以樞密使討李守貞于河中匡胤應募居帳下太祖即帝位補東西班行首再轉開封府馬直軍使高平之戰功冠軍授夏四月周符張永德稱其勞故有是命年二十八矣

彥卿帥師侵漢五月及遼耶律塔拉戰于忻口周師

敗績

周主遣行營都部署符彥卿督諸將攻北漢入漢境其民困于重賦爭以食物迎勞願助軍須

以攻晉陽遂降漢汾遼憲嵐石沁忻七州周主因自帥大軍自潞州趨晉陽環城四十里旗幟不絕遼主聞之使南院大王塔拉將騎數千屯忻代之間彥卿擊之塔拉退保忻口彥卿前鋒史彥超恃勇輕進與遼兵戰敗死彥卿帥兵還晉陽周主攻城久而不克會久雨士卒疲病及彥超死乃班師還軍勿遽焚棄

蜀糧數十萬所得漢州縣復皆失之冬十一月漢主  
漢主憂憤成疾以政事悉委其子承鈞

吳殂子承鈞立遼遣使冊之

漢主吳殂子承鈞立遣使告哀于遼且求封冊上表稱

男遼主遣使予祭冊命爲漢帝賜詔稱兒

周以折從阮爲邠寧節度使其

子德宸爲靜難軍節度使

父子俱領節鎮時人榮之

乙卯

周顯德二年凡六國二鎮

春正月周以遼降將張藏英爲沿邊

巡檢使

遼屢攻周河北輕騎深入周主患之問遼降將張藏英以備邊之策藏英具陳地形要害

請列置戍兵募邊人驍勇者厚其廩給自請將之周隨宜討擊周主從其言自是河南之民始得休息

以曹元忠爲歸義軍節度使

沙州自天寶末陷于西羌大中五年張義潮以

州歸唐詔建沙州為歸義軍授義潮節度使領河沙  
甘肅伊西等州觀察使義潮入朝以從子惟深領留  
後梁初張氏之後絕州人推長史曹義金為  
帥義金死子元忠嗣至是入貢于周故命之

丙辰

周顯德三年  
凡六國二鎮

春正月周主伐唐圍壽州使趙匡胤

帥師入滁州復大敗唐師於六合

周主自將攻唐淮  
南圍壽州衆凡數

十萬遣殿前都虞候趙匡胤擊唐兵于塗山匡胤大敗唐  
師于渦口斬其監軍何廷錫等奪戰艦五千餘艘而返

二月周主復遣匡胤倍道襲唐清流關唐守將皇甫  
暉姚鳳驚走入滁州斷橋自保匡胤躍馬麾兵涉水  
直抵城下暉曰人各為其主願容成列而戰匡胤笑  
而許之暉整衆而出匡胤突陣擊暉鳳皆擒之遂克  
滁州至夜匡胤父馬直軍副指揮使弘殷引兵叩城  
門匡胤曰父子雖至親城門王事也不敢奉命明日

乃得入匡胤自是威名日盛每臨陣必以繁纓飾馬  
鎧仗鮮明或曰如此為敵所識匡胤曰吾固欲其識  
之耳三月周主至泚橋薄壽州城匡胤乘皮船入壽  
春壕中城上發連弩射之矢大如椽牙將張瓊以身  
蔽匡胤矢中瓊髀死而復蘇鏃著骨不可出瓊飲酒  
一大卮令人破骨出之血流數升神色自若四月唐  
元帥齊王景達帥師拒周周主遣匡胤帥師屯六合  
時唐兵攻揚州韓令坤棄城走匡胤令曰揚州兵有  
過六合者折其足令坤懼而止遂敗唐兵于揚州城  
下唐齊王景達帥師濟江距六合二十里設柵不進  
諸將請擊之匡胤曰吾衆不滿二千若往擊之彼必  
見吾衆寡矣不若俟其至破之必矣居數日唐兵趣  
六合匡胤奮擊大破之殺獲近五千人溺死甚衆於  
是唐之精卒盡矣是戰也將士有不致力者匡胤陽  
為督戰以劍斫其皮豈明日徧閱其笠有劍跡者  
數十人皆斬之由是匡胤所部兵莫敢不盡死矣冬

十月周以趙匡胤為定國軍節度使兼殿前都指揮

使

匡胤之入滁也得判官趙普與語大悅之會獲盜百餘匡胤將盡殺焉普請先訊鞠然後決所活者

什七八匡胤大奇其才留置左右至是以為節度推官普幽州薊人也

十一月周召華

山隱士陳搏至大梁以為諫議大夫搏不受

搏亳州真源人

嘗舉唐長興中進士不第遂不復干祿以山水為樂因服氣辟穀日飲酒數杯而已歷二十餘年乃隱華山雲臺觀每寢處多百餘日不起周主召至汴問以飛升黃白之術對曰陛下為天子當以治天下為務安用此為命為諫議大夫固辭不受乃遣還華山

丁巳

周顯德四年凡六國二鎮

春三月周主伐唐使趙匡胤帥師絕



唐餉道壽州乃降

周主命李重進圍壽州久不克遂復親征軍于紫金山南命趙匡

擊唐列寨破之斷其甬道由是唐兵首尾不相救壽州遂降于周

吐蕃首領折逋支

逐河西節度使申師厚

涼州自唐末為羈縻然猶請命于中國至是折逋支等遂

申師厚而奉其土人為帥與中國始絕矣

戊午

周顯德五年凡六國二鎮

己未

周顯德六年遼應歷九年

春二月遼政事令韓延徽卒○夏四

月周主伐遼克關南諸州遂趨幽州五月周主有疾

乃還

周主伐遼四月次滄州即日率步騎數萬直趨遼境遼寧州刺史王洪舉城降周主命韓通為

陸路都部署趙匡胤為水路都部署周主自御龍舟  
沿流而北舳艫數千里至益津關遼守將終廷輝以  
城降遂登陸而西趙匡胤先至瓦橋關遼守將姚內  
斌莫州刺史劉楚信皆舉城降五月遼於口關及瀛  
州降於是關內悉平周主宴諸將于營議取幽州諸  
將曰陛下離京四十二日兵不血刃取燕南之地此  
不世之功也今遼兵皆聚幽州之北未宜深入周主  
不悅趣先鋒劉重進先發據固安周主自至安陽水  
命作橋會日暮還宿瓦橋是日周主不豫乃罷兵南  
還孫行友援遼易州斬其刺史李在欽周主詔以瓦  
梁橋為雄州益津關為霸遼以高模翰為中臺省左  
州令陳思讓韓令坤戍之  
相模翰一名松渤海人善騎射太祖知其才委任心  
腹之事立晉之功模翰第一太宗南伐其功尤多  
至是以右相六月周以趙匡胤為歸德軍節度使兼殿  
相改左相

前都點檢

周主自伐遼還在道閱四方文書得韋囊中有木三尺餘題曰點檢作天子時張永

德為點檢永德周懿親有功周主疑之遂以匡胤代永德匡胤以趙普為掌書記

周主榮殂

子梁王宗訓立


世宗殂年三十九子梁王宗訓立生七年矣尊皇后符氏為太后遼

遣使如唐周人殺之

唐屢通好于遼至是遼遣使報聘周泰州團練使荆罕儒募刺

客于道殺之自是遼與南唐遂絕

冬十一月漢遼會師伐周



通鑑續編卷二